


**Bosna i Hercegovina  
Federacija Bosne i Hercegovine  
Tuzlanski kanton  
OPĆINA SAPNA**

**S A P N A**



# **Službeni glasnik Općine Sapna**

**Godina: XXVI  
Datum izdavanja:  
7.03.2024. godine**

**Broj: 2 / 2024.**

# S A D R Ž A J

## I. AKTI OPĆINSKOG VIJEĆA

1. Odluka o izmjeni Odluke o izvršavanju Budžeta općine Sapna za 2024.godinu.
2. Odluka o utvrđivanju prosječne konačne građevinske cijene iz 2023.godine m<sup>2</sup> korisne stambene površine na području općine Sapna.
3. Odluka o davanju saglasnosti na Program rekonstrukcije i sanacije lokalnih i nekatogorisanih puteva na području općine Sapna za 2024. godinu.
4. Odluka o davanju saglasnosti na Program održavanja lokalnih i nekatogorisanih puteva na području općine Sapna za 2024.godinu.
5. Odluka o odobravanju i izdvajanju novčanih sredstava iz Budžeta općine Sapna za 2024.godinu za RVI 100% I grupe sa mjestom prebivališta na području općine Sapna.
6. Odluka o dodjeli na korištenje poslovnog prostora ODB sa područja grada Zvornik.
7. Odluka o subvencioniranju prijevoza učenika Mješovite srednje škole Sapna za drugo polugodište školske 2023/2024. godine i prvo polugodište školske 2024/2025. godine.
8. Odluka o prihvatanju teksta Sporazuma.
9. Odluka o otpustu duga.
10. Rješenje o razrješenju i privremenom imenovanju predsjednika Upravnog odbora JZU Dom zdravlje Sapna.
11. Rješenje o dopuni Rješenja o imenovanju Komisije za utvrđivanje prometne vrijednosti nepokretnosti i prava.
12. Zaključak o usvajanju Izvještaja o rješavanju upravnih stvari u upravnom postupku za 2023.godinu.
13. Zaključak o usvajanju Informacije o planu proljetne sjetve.
14. Zaključak o usvajanju Informacije o podsticajima u poljoprivredi sa viših nivoa vlasti.
15. Zaključak o usvajanju Informacije o broju korisnika koji su oslobođeni plaćanja priključka na sistem vodosnabdijevanja općine Sapna.
16. Zaključak na Nacrt Zakona o oružju i municiji Tuzlanskog kantona.
17. Zaključak da se predlože kandidati za Koordinacioni tim.

## II. AKTI OPĆINSKOG NAČELNIKA

1. Odluka o davanju saglasnosti na prijedlog Godišnjeg upravljanja i održavanja zgrada neprofitno-socijalnog stanovanja u Sapni za 2024.godinu.
2. Odluka o obnavljanju (ukoričavanju) matičnih knjiga općine Sapna.
3. Odluka o usvajanju Smjernica za trogodišnje planiranje rada općine Sapna za period 2025.-2027.godina.
4. Odluka o raspisivanju javnog oglasa za izbor i imenovanje predsjednika Upravnog odbora JZU“Dom zdravlja Sapna“.
5. Rješenje o izmjeni Rješenja o imenovanju Komisije za procjenu štete od prirodnih i drugi nesreća.
6. Rješenje o ovlaštenju državnog službenika Emine Alić diplomiranog pravnika.



7. Rješenje o imenovanju projekt menadžera.
8. Rješenje o ovlašćenju državnog službenika Bodiroga Ljubinke diplomiranog pravnika.

**„SLUŽBENI GLASNIK OPĆINE SAPNA“**

Uređuje: Ljubinka Bodiroga – sekretar Općinskog vijeća

Broj: 2/2024.

Datum, 07.03.2024.godine

Na osnovu člana 7. Zakona o Budžetima u Federaciji Bosne i Hercegovine („Službene novine Federacije Bosne i Hercegovine“ broj: 102/13, 78/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 5. Zakona o plaćama i naknadama u organima vlasti u Federaciji Bosne i Hercegovine („Službene novine Federacije Bosne i Hercegovine“ broj: 45/10, 111/12, 20/17 i 22/19), člana 13. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09) i člana 22. Statuta Općine Sapna („Službeni glasnik općine Sapna“, br. 6/07, 8/09 i 3/12), Općinsko vijeće općine Sapna, na sjednici održanoj dana 26.02..2024. godine, d o n o s i

## **ODLUKU**

### **o izmjeni Odluke o izvršavanju Budžeta Općine Sapna za 2024. godinu**

#### **Član 1.**

U Odluci o izvršavanju Budžeta Općine Sapna za 2024. godinu (Službeni glasnik Općine Sapna“, broj 1/24), u članu 19., stav 2. mijenja se i glasi:

„Osnovica za obračun plaća zaposlenih u organu državne službe općine Sapna iznosi 425,00 KM a visina boda 1,0.“

#### **Član 2.**

Ova Odluka stupa na snagu danom objavljivanja u „Službenom glasniku Općine Sapna“, a primjenjivat će se od 01.03.2024. godine.

Bosna i Hercegovina  
Federacija Bosne i Hercegovine  
Tuzlanski kanton  
Općina Sapna  
Općinsko vijeće

Broj:02-02-343-1/24  
Sapna, 26.02.2024. godine

Predsjedavajući Općinskog vijeća  
Sabit Brđak s.r.

Općinsko vijeće općine Sapna, na osnovu člana 66. Zakona o građevinskom zemljištu Federacije BiH („Službene novine FBiH“ broj: 25/03, 16/04 i 67/05) i člana 22. Statuta Općine Sapna („Službeni glasnik Općine Sapna“ broj 6/07, 8/09 i 3/12), na sjednici održanoj dana 26.02. 2024. godine donosi

## **ODLUKU**

### **o utvrđivanju prosječne konačne građevinske cijene iz 2023. godine m<sup>2</sup> korisne stambene površine na području općine Sapna**

#### **Član 1.**

Prosječna konačna građevinska cijena iz 2023. godine m<sup>2</sup> korisne stambene površine na području općine Sapna iznosi 850,00 KM.

#### **Član 2.**

Cijena iz člana 1. ove Odluke primjenjivat će se kao osnovica za izračunavanje visine rente u postupku odobravanja građenja u skladu sa propisima kojima se reguliše upravni postupak, oblast prostornog uređenja i građenja i legalizacija bespravno izgrađenih objekata u 2024. godini.

#### **Član 3.**

Stupanjem na snagu ove Odluke, prestaje da važi Odluka o utvrđivanju prosječne konačne građevinske cijene 1 m<sup>2</sup> korisne stambene površine („Službeni glasnik Općine Sapna“ broj: 2/2023), a obaveze proistekle iz upravnih postupaka investitorima će se utvrđivati isključivo na osnovu odredaba ove Odluke.

#### **Član 4.**

Ova Odluka stupa na snagu osmog dana od dana objavljivanja u „Službenom glasniku Općine Sapna“.

Bosna i Hercegovina  
Federacija Bosne i Hercegovine  
Tuzlanski kanton  
Općina Sapna  
Općinsko vijeće

Broj : 02-02-343-2/2024  
Sapna, 26.02. 2024. godine

Predsjedavajući Općinskog vijeća  
Sabit Brđak s.r.



Na osnovu člana 25. stav 2. Zakona o cestama Federacije Bosne i Hercegovine („Službene novine FBiH“ broj: 12/10,16/10 i 66/13), člana 22. Statuta općine Sapna („Službeni glasnik općine Sapna“ broj 6/07, 8/09, i 3/12), člana 3. Odluke o kategorizaciji lokalnih cesta i ulica u gradu Tuzla i općinama Tuzlanskog kantona („Službene novine Tuzlanskog kantona“, broj: 14/14) i Odluke o lokalnim i nekategorisanim putevima na području općine Sapna („Službeni glasnik općine Sapna“ broj 1/20 i 4/20), Općinsko vijeće Sapna na redovnoj sjednici održanoj dana 26.02.2024. godine, donosi

**ODLUKU  
o davanju saglasnosti**

**Član 1.**

Daje se saglasnost na Program rekonstrukcije i sanacije lokalnih i nekategorisanih puteva na području općine Sapna za 2024. godinu.

**Član 2.**

Sastavni dio ove Odluke je Program rekonstrukcije i sanacije lokalnih i nekategorisanih puteva na području općine Sapna za 2024. godinu.

**Član 3.**

Ova Odluka stupa na snagu danom donošenja i objavit će se u „Službenom glasniku Općine Sapna“.

Bosna i Hercegovina  
Federacija Bosne i Hercegovine  
Tuzlanski kanton  
Općina Sapna  
Općinsko vijeće

Broj:02-02-343-3/24  
Sapna, 26.02.2024.godine

Predsjedavajući Općinskog vijeća  
Sabit Brđak s.r.

Bosna i Hercegovina  
Federacija Bosne i Hercegovine  
Tuzlanski kanton  
OPĆINA SAPNA  
**OPĆINSKI NAČELNIK**  
Broj:01-23-345/2024  
Sapna, 14.02.2024.godine

PROGRAM  
REKONSTRUKCIJE I SANACIJE LOKALNIH I NEKATEGORISANIH PUTEVA NA  
PODRUČJU OPĆINE SAPNA ZA 2024.GODINU

Sapna, Februar 2024. godine

## SADRŽAJ

NASLOV.....	1
SADRŽAJ.....	2
OPĆE ODREDBE.....	3
FINANSIRANJE REKONSTRUKCIJE I SANACIJE LOKALNIH I NEKATEGORISANIH PUTEVA..	3
REKONSTRUKCIJA LOKALNIH PUTEVA ZAPOČETIH U 2023.GODINI.....	4
SPISAK LOKALNIH I NEKATEGORISANIH PUTEVA ZA SANACIJU I REKONSTRUKCIJU.....	5
KRITERIJI U REALIZACIJI PROJEKATA ZA SANACIJU I REKONSTRUKCIJU LOKALNIH I NEKATEGORISANIH PUTEVA.....	5
REKONSTRUKCIJA I SANACIJA SAOBRAĆAJNICA UZ UČESĆE GRAĐANA .....	6
NADZOR.....	6
OBRAZLOŽENJE.....	7



Na osnovu člana 25. stav 1. alineja 4. Zakona o cestama Federacije Bosne i Hercegovine ( "Sl. Novine FBiH" broj 12/10, 16/10 i 66/13), člana 3. Odluke o kategorizaciji lokalnih cesta i ulica u gradu Tuzla i općinama Tuzlanskog kantona („Službene novine Tuzlanskog kantona“ broj: 14/2014) i člana 16. Odluke o lokalnim i nekategorisanim putevima na području općine Sapna („Službeni glasnik općine Sapna“ broj: 1/2000 i 4/2000), Općinski Načelnik, donosi;

**PROGRAM**  
**REKONSTRUKCIJE I SANACIJE LOKALNIH I NEKATEGORISANIH PUTEVA NA PODRUČJU OPĆINE**  
**SAPNA ZA 2024.GODINU**

### **1. OPĆE ODREDBE**

Rekonstrukcija i sanacija lokalnih i nekategorisanih puteva je od posebnog društvenog interesa. Ova oblast je regulisana Zakonom o cestama Federacije BiH, („Službene novine Federacije BiH“, broj:12/10, 16/10 i 66/13), Pravilnikom o održavanju javnih cesta, („Službene novine Federacije BiH“, broj 57/15),

Pod rekonstrukcijom cesta, smatraju se radovi na dijelu postojeće ceste kojim se mijenja njena osnovna karakteristika sa ciljem povećanja kapaciteta ceste i nivoa usluga.

Pod sanacijom(rehabilitacijom) puteva, podrazumjevaju se radovi kojima se poboljšava sigurnost učesnika u saobraćaju i održavanje projektovanog stanja cesta.

Poslovi gradnje puteva u smislu ovog programa obuhvataju: premještanje komunalne infrastrukture, pribavljanje odobrenja za građenje, ustupanje radova građenja, organizaciju stručnog nadzora i kontrole ugrađenih materijala i izvedenih radova, tehničkog pregleda i primopredaje

Na području općine Sapna postoje lokalni i nekategorisani putevi koji su pretrpili velika oštećenja u vidu uništenja asfaltnog kolovoza te na istim nisu adekvatno rješena odvodnja atmosferskih voda što dodatno otežava korištenje i održavanje lokalnih i nekategorisanih puteva.

Sanacijom lokalnih puteva povećava se sigurnost učesnika u saobraćaju na području općine Sapna.

### **2. FINANSIRANJE REKONSTRUKCIJE I SANACIJE LOKALNIH I NEKATEGORISANIH PUTEVA**

U skladu sa članom 88. Zakona o cestama FBiH, finansijska sredstva za održavanje, zaštitu, obnovu, rekonstrukciju, sanaciju i izgradnju javnih cesta osiguravaju se iz :

- a) javnih prihoda
- b) kreditnim sredstvima
- c) donacijama/grantovima

Sredstva za rekonstrukciju i sanaciju lokalnih i nekategorisanih puteva napodručju općine Sapna za 2024. godinu planirana su u budžetu općine Sapna, odlukama viših nivoa vlasti i drugih izvora finansiranja.

### 3. REKONSTRUKCIJA LOKALNIH PUTEVA ZAPOČETIH U 2023.GODINI

Realizacija Ugovora započelih u 2023.godini koji se odnose na rekonstrukciju i sanaciju puteva a nisu do kraja realizovani prenose se u 2024.godinu, i isti su predstavljeni u tabeli kako slijedi:

r.b.	Opis	Budžet 2024
1.	Sanacija nekategorisanog puta „Džamija Kovačevići-Mahala-Hodžići -lokalni put Kovačevići(Ševalova kuća), i sanacija priključnog puta u naselju Mahala II L=27,5m u MZ Kovačevići“.	37.478,04
2.	Rekonstrukcija puta u MZ Međeđa priključni put u naselju Grabovice	51.288,71
3.	Sanacija priključnih puteva II faza“,općina Sapna, LOT 3 „Asfaltiranje pristupnog puta prema objektu ambulante u MZ Vitinica“.	14.954,45
	<b>UKUPNO</b>	<b>103.721,2</b>

Sredstva za rekonstrukciju i sanaciju lokalnih i nekategorisanih puteva napodručju općine Sapna za 2024. godinu planirana su u budžetu općine Sapna, odlukama viših nivoa vlasti i drugih izvora finansiranja

### 3-1.SPISAK LOKALNIH I NEKATEGORISANIH PUTEVA ZA SANACIJU I REKONSTRUKCIJU

U toku 2024.godine planirana je sanacija i rekonstrukcija sljedećih lokalnih i nekategorisanih puteva:

r.b.	Opis	Budžet 2024
1.	Sanacija dijela puta Nikolića Luka-Žuje-Šarci općina Sapna	26.111,75
2.	Rekonstrukcija lokalnog puta u MZ Sapna na lokaciji Mahala-Izvorište Kalilo	32.139,90
3.	Priprema i asfaltiranje lokalnog puta u ulici „Dobrovoljačka“ MZ Kraljevići,općina Sapna	137.511,18
4.	Rekonstrukcija puta Vitinica/Han/-Vitinica Škola/raskršće Selimovići-Mahmutovići,III faza	320.163,97
5.	Sanacija priključnih puteva, I faza	70.750,00
6.	Sanacija priključnih puteva, II faza	70.750,00
7.	Sanacija dijela puta Nezuk/škola/- Baljkovica/spomen obilježje/	50.000,00
8.	Rekonstrukcija lokalnog puta/Vitinica-Džakić- Brđaci – Handelići-/spomen obilježje/ III faza	200.000,00
9.	Sanacija lokalnog puta Vitinica-Gaj, općina Sapna	37.055,07
10.	Sanacija lokalnih puteva u MZ Međeđa	203,000,00
	<b>UKUPNO</b>	<b>1.147.481,87</b>

Realizacija projekata vršit će se na osnovu raspoloživih budžetskih sredstava. Izvođenje radova na rekonstrukciji i sanaciji lokalnih i nerazvrstanih puteva, Općinski načelnik, ustupit će specijalizovanom pravnom licu, po postupku i na način utvrđen Zakonom o javnim nabavkama. Naprijed navedeni prijedlozi lokalnih i nerazvrstanih puteva su sačinjeni na osnovu postojećeg stanja puteva odnosno stepena oštećenja istih i zahtjeva građana za sufinansiranje izvođenja radova na predmetnim putevima.



#### **4. KRITERIJI U REALIZACIJI PROJEKTA ZA SANACIJU I REKONSTRUKCIJU LOKALNIH I NEKATEGORISANIH PUTEVA**

Ovaj program izvršavat će se u 2024. godini na osnovu prioriteta koji će se utvrđivati prema sledećim kriterijima:

1. Finansijska likvidnost odnosno punjenje budžeta,
2. Obezbeđeno finansijsko učešće građana odnosno MZ-a u planiranom procentu od ukupne vrijednosti investicije,
3. Obezbeđeno sufinansiranje općine od strane viših nivoa vlasti/ili drugih eksternih izvora finansiranja,
4. Princip teritorijalne zastupljenosti.

Općinski načelnik će u skladu sa finansijskim sredstvima planiranim u budžetu utvrditi prioritete na osnovu gore navedenim kriterija odnosno izvrši odabir projekta. Ukoliko se obezbjede namjenska sredstva sa viših nivoa vlasti ili drugih eksternih izvora finansiranja za sanaciju ili rekonstrukciju drugog putnog pravca koji se ne nalazi na gore navedenom spisku lokalnih i nekategorisanih puteva odobrava se njegova realizacija a općinski načelnik se obavezuje da isti uvrsti kroz rebalans budžeta

#### **5.REKONSTRUKCIJA I SANACIJA SAOBRAĆAJNICA UZ UČESĆE GRAĐANA**

U skladu sa zahtjevom građana, vršit će se rekonstrukcija saobraćajnica uz učešće građana, prema omjeru općina Sapna 50%,građani 50%.

#### **6.NADZOR**

Nadzor nad izvođenjem radova rekonstrukcije i sanacije lokalnih i nekategorisanih puteva provodi specijalizovano pravno lice, po postupku i na način utvrđen Zakonom o javnim nabavkama („Sl. glasnik BiH“,br: 39/14)

OPĆINSKI NAČELNIK

Zudin Mahmutović s.r.

Na osnovu člana 25. stav 2. Zakona o cestama Federacije Bosne i Hercegovine ( „Službene novine FBiH“ broj: 12/10,16/10 i 66/13), člana 22. Statuta općine Sapna („Službeni glasnik općine Sapna“ broj 6/07, 8/09, i 3/12), člana 3. Odluke o kategorizaciji lokalnih cesta i ulica u gradu Tuzla i općinama Tuzlanskog kantona („Službene novine Tuzlanskog kantona“, broj: 14/14) i Odluke o lokalnim i nekategorisanim putevima na području općine Sapna („Službeni glasnik općine Sapna“ broj 1/20 i 4/20), Općinsko vijeće općine Sapna na redovnoj sjednici održanoj dana 26.02.2024. godine, donosi;

**ODLUKU  
o davanju saglasnosti**

**Član 1.**

Daje se saglasnost na Program održavanja lokalnih i nekategorisanih puteva na području općine Sapna za 2024. godinu.

**Član 2.**

Sastavni dio ove Odluke je Program održavanja lokalnih i nekategorisanih puteva na području općine Sapna za 2024. godinu.

**Član 3.**

Ova Odluka stupa na snagu danom donošenja i objavit će se u „Službenom glasniku Općine Sapna“.

Bosna i Hercegovina  
Federacija Bosne i Hercegovine  
Tuzlanski kanton  
Općina Sapna  
Općinsko vijeće

Broj02-02-343-4/24  
Sapna, 26.02.2024. godine

Predsjedavajući Općinskog vijeća  
Sabit Brđak s.r.

Bosna i Hercegovina  
Federacija Bosne i Hercegovine  
Tuzlanski kanton  
OPĆINA SAPNA  
**OPĆINSKI NAČELNIK**  
Broj:01-23-342/2024  
Sapna, 14.02.2024.godine

PROGRAM  
ODRŽAVANJA LOKALNIH I NEKATEGORISANIH PUTEVA NA PODRUČJU OPĆINE  
SAPNA ZA 2024.GODINU

Sapna, Februar 2024. godine



## SADRŽAJ

1.	OPĆE ODREDBE.....	2
2.	FINANSIRANJE ODRŽAVANJA LOKALNIH I NEKATEGORISANIH PUTEVA.....	5
3.	REDOVNO ODRŽAVANJE LOKALNIH I NEKATEGORISANIH PUTEVA.....	5
3.1.	REDOVNO LJETNO ODRŽAVANJE LOKALNIH I NEKATEGORISANIH PUTEVA.....	5
3.2.	ODRŽAVANJE KOLOVOZA.....	6
3.3.	ODRŽAVANJE BANKINA.....	7
3.4.	ODRŽAVANJE USJEKA, ZASJEKA I NASIPA.....	7
3.5.	ODRŽAVANJE OBJEKATA ZA ODVODNJU.....	7
3.6.	ODRŽAVANJE OPREME CESTE.....	8
3.7.	KOŠENJE TRAVE I ODRŽAVANJE ZELENILA.....	8
3.8.	REDOVNO ODRŽAVANJE OBJEKATA (mostova, propusta, potpornih zidova i sl.).....	8
3.9.	PLAN RADOVA ODRŽAVANJA ZA 2024.GODINU.....	10
4.	NADZOR.....	12

Na osnovu člana 25. stav 1. alineja 4. Zakona o cestama Federacije Bosne i Hercegovine ( "Sl. Novine FBiH" broj 12/10, 16/10 i 66/13), člana 3. Odluke o kategorizaciji lokalnih cesta i ulica u gradu Tuzla i općinama Tuzlanskog kantona („Službene novine Tuzlanskog kantona“ broj: 14/2014) i člana 16. Odluke o lokalnim i nekategorisanim putevima na području općine Sapna („Službeni glasnik općine Sapna“ broj: 1/2000 i 4/2000), Općinski Načelnik, donosi;

**PROGRAM  
ODRŽAVANJA LOKALNIH I NEKATEGORISANIH PUTEVA NA PODRUČJU  
OPĆINE SAPNA ZA 2024.GODINU**

**1. OPĆE ODREDBE**

Održavanje, zaštita, rekonstrukcija i izgradnja lokalnih i nekategorisanih puteva je od posebnog društvenog interesa. Ova oblast je regulisana Zakonom o cestama Federacije BiH, („Službene novine Federacije BiH“, broj:12/10, 16/10 i 66/13), Pravilnikom o održavanju javnih cesta, („Službene novine Federacije BiH“, broj 57/15), Odlukom o kategorizaciji lokalnih cesta i ulica u gradu Tuzla i općinama Tuzlanskog kantona („Službene novine Tuzlanskog kantona“ broj: 14/2014), Pravilnikom za utvrđivanje uvjeta za projektovanje i izgradnju priključaka i prilaza na javne ceste ( „Službene novine FbiH “ broj: 81/10 ), Pravilnikom o postavljanju posebnih objekata na cesti radi smanjenja brzine kretanja ( „Službeni glasnik BiH “ broj: 17/07 ), Pravilnikom o vrsti i sadržaju projekata za građenje i rekonstrukciju javnih cesta („Službene novine FbiH“ broj: 69/10), Pravilnikom o postavljanju reklamnih znakova na cestama ( „Službene novine FbiH“ broj: 75/10 ) i Zakonom o javnim nabavkama ( „Službeni glasnik BiH“ broj: 39/14). Odredbama Zakona o cestama Federacije BiH, („Službene novine Federacije BiH“, broj:12/10, 16/10 i 66/13), uređen je pravni položaj javnih cesta, upravljanje cestama, građenje, održavanje i ustupanje radova, zaštita cesta i uvjeti odvijanja prometa na cestama, finansiranje javnih cesta kao i druga bitna pitanja značajna za Općinu na nivou lokalnih i nerazvrstanih cesta.

Odlukom o kategorizaciji lokalnih cesta i ulica u gradu Tuzla i općinama Tuzlanskog kantona („Službene novine Tuzlanskog kantona“ broj: 14/2014), Odlukom o lokalnim i nekategorisanim putevima na području općine Sapna („Službeni glasnik općine Sapna“ broj: 1/2000 i 4/2000), utvrđeni su lokalni i nekategorisani putevi na području Općine Sapna. Obim, vrsta, vrijednost i dinamika izvođenja radova na održavanju lokalnih i nekategorisanih puteva u skladu s planiranim budžetskim sredstvima utvrđuje se Programom koji donosi Općinski načelnik, a saglasnost na predmetni dokument daje Općinsko vijeće Općine Sapna u skladu sa čl.25. Zakona o cestama Federacije BiH, („Službene novine Federacije BiH“, broj:12/10, 16/10 i 66/13). Program održavanja lokalnih i nekategorisanih puteva na području općine Sapna za 2024. godinu ima za cilj konkretizaciju realizacije aktivnosti u 2024. godini.

Odlukom o lokalnim i nekategorisanim putevima na području općine Sapna („Službeni glasnik općine Sapna“ broj: 1/2000 i 4/2000), definisano je 23 lokalnih putnih pravaca sa ukupnom dužinom od 67,04 km, te 11 nekategorisanih putnih pravca sa ukupnom dužinom od 8,1 km. Valja istaći da na prostoru općine Sapna postoji još i kategorija puteva koji spadaju u zemljane puteve, puteve koji vode u poljoprivredna imanja, šumske puteve te prilazne puteve koji su evidentirani u katastru zemljišta u općini Sapna kao društvena svojina putevi.

Pregled lokalnih puteva na području Općine Sapna na osnovu Odlukoe o kategorizaciji lokalnih cesta i ulica u gradu Tuzla i općinama Tuzlanskog kantona („Službene novine Tuzlanskog kantona“ broj: 14/2014).

Oznaka ceste	Naziv putnog pravca	Dužina u km	Prioritet
L 137001	Vitinički put/Regionalna cesta R306/-Han - Selimovići-Mahmutović-Kovačevići/ Mjesna zajednica	5,40	I
L 137002	Nezučki put/Regionalna cesta R 306/-Nezuk- do raskrešća za Dugi dio	4,23	I
L 137003	Sapna /Regionalna cesta R306/-Kobilići-Međeđa-Mramorovi/ Regionalna cesta R307	6,45	I
L 137004	Lokalna cesta L 137002- Nezuk – Zaseok mezarje	1,70	I
L 137005	Nezuk /škola/ – Baljkovica /spomen obilježje/	2,90	II
L 137006	Vitinica /Džakić/ – Brđaci – Handelići /spomen obilježje/	2,40	II
L 137007	Vitinica škola /raskrešće Selimovići – Mahmutovići/ – Krstac /raskrešće Krstac- Kovačevići/	1,36	I
L 137008	Međeđa – Debeljak – raskrešće/Nezučki put Nezuk/	2,70	II
L 137009	Trafo stanica/Regionalna cesta R 307/- Žuje/raskrešće Šarci /	1,90	II
L 137010	Vitinica /Han / - Gaj	0,87	II
L 137011	Goduš / Regionalna cesta R 306/- Skakovica /škola/	4,00	II
L137012	Goduš/regionalna cesta R 306/- Plan naselje	1,60	II
L137013	Međeđa/Lokalna cesta L 137003/- Grabovice – Munjača/regionalna cesta R 307/	1,80	II
L137014	Vitinica/Han/-Ramići/centar/	0,85	II
L137015	Lokalna cesta L 137014-Marnići/centar/	0,60	II
L 137016	Skakovica/škola/-Rastošnica-raskršće Sarići/Prelovine/	7,00	II
L 137017	Sarići/raskršće/-rastošnica/centar Obršine/	4,00	II
L 137018	Rastošnica/Regionalnacwsta R 306/- Čaklavica/centar/	3,00	II
L 137019	Rastošnica/regionalna cesta R 306/- Čairi/centar/	5,00	II



L 137020	Rastošnica /Regionalna cesta R 306/- Laze /centar/	5,00	II
L 137021	Krstac /centar/ - Oščenač - Kovačevići /mjesna zajednica/	1,35	II
L 137022	Međeđa centar - Dekići - Bajramovići - Bešići	1,40	II
L 137023	Međeđa /centar/- Durakovići	0,50	II
	Luka-Žuje-Šarci (Džamija)	1,30	II
	<b>UKUPNO</b>	<b>67,04</b>	

Pregled lokalnih nekategorisanih puteva na području općine Sapna na osnovu Odluke o lokalnim i nekategorisanim putevima na području općine Sapna („Službeni glasnik općine Sapna“ broj: 1/2000 i 4/2000).

L 137001	Goduš - Rujevine	0,50	II
L 137002	G.Sapna - (Grabovac) - Mahala	1,20	II
L 137003	Centar - Kraljevići	1,00	II
L 137004	Centar (Pijaca) Svrake	0,50	II
L 137005	Put Nežuk - Vrla Strana	0,50	II
L 137006	Put Nežuk- Biberovići	0,40	II
L 137007	Put Nežuk- Potkućina	0,30	II
L137008	Kobilići - Kosa	1,00	II
L 137009	Međeđa - Grabovice - Rijeka	2,00	II
L137010	Zaseok - Doljani	0,50	II
L137011	Zaseok - Lipa	0,20	II
	<b>UKUPNO</b>	<b>8,1</b>	

Ciljevi održavanja lokalnih i nekategorisanih puteva su:

- Sprečavanje propadanja puteva,
- Omogućavanje sigurnog prometa,
- Smanjenje troškova korisnika dobrim stanjem puteva,

Redovno održavanje puteva čini skup mjera i radnji koje se obavljaju tokom većeg dijela ili cijele godine na putevima u svrhu održavanja prohodnosti, tehničke ispravnosti i sigurnosti prometa na njima. Ovi radovi se obavljaju i zbog djelimičnog poboljšanja elemenata puteva, stabilnosti i trajnosti puta i putnih objekata i povećanja sigurnosti saobraćaja.

Mnogi lokalni putni pravci sa asfaltnim kolovozom građeni su prije 30 godina i možemo reći da su u lošem ili vrlo lošem stanju ( npr: Nezuk škola – Baljkovica, Nezučki put – Zaseok mezarje Han-Gaj Zasepk mezarje - Doljani )

Takođe, dio puteva je sa makadamskom kolovoznom konstrukcijom ili sa dosta lošom asfaltnom kolovoznom konstrukcijom je područje Rastošnice.

Prednost u održavanju puteva, kao i prethodnih godina dat će se lokalnim putevima na kojima se odvija redovni linijski autobuski saobraćaj, a to su:

1. Sapna- Vitinica –Krstac-Kovačevići
2. Sapna- Nezuk
3. Sapna- Zaseok
4. Sapna – Kobilici- Međeđa
5. Sapna- Goduš

## **2. Finansiranje održavanja lokalnih i nekategorisanih puteva**

U skladu sa članom 13. Zakona o cestama, upravljanje, građenje, rekonstrukciju, održavanje i zaštitu lokalnih cesta i gradskih ulica vrši nadležni općinski organ.

U budžetu Općine Sapna za 2024. godinu planirano je 31.000,00 KM za održavanje lokalnih i nekategorisanih puteva koji su predmet ovog Programa.



### **3. Redovno održavanje lokalnih i nekategorisanih puteva**

Planirana sredstva za održavanje lokalnih i nekategorisanih puteva u 2024. godini se raspoređuju na :

#### **3.1. Redovno ljetno održavanje lokalnih i nekategorisanih puteva**

Redovno održavanje lokalnih i nekategorisanih puteva obuhvata slijedeće radove:

- popravka kolovoza, trupa ceste, potpornih i obložnih zidova;
- uklanjanje odronjenog materijala i čišćenje kolovoza i objekata za odvodnju;
- održavanje bankina (planiranje i poravnavanje), bermi i kosina usjeka, nasipa i zasjeka;
- košenje trave i održavanje zelenih površina i zasada u cestovnom pojasu;
- održavanje potrebne preglednosti cesta i oznaka u cestovnom pojasu;
- manji zahvati na obnavljanju, zamjeni i ojačanju dotrajalih kolovoza;
- manji zahvati na ojačanju i zamjeni propusta, potpornih i obložnih zidova;
- manji zahvati na ugrađivanju ivičnjaka i izradi pješačkih staza;
- manji zahvati na saniranju klizišta i odrona (interventno djelovanje);
- obavljanje i drugih poslova kojima se osigurava stalan, nesmetan i bezbjedan promet na cestama;
- uređenje i popravke sistema za odvodnju (jaraka, rigola, drenaža i drugo);
- popravci lokalnih oštećenja kolovoza (udarnih rupa, pojedinačnih i mrežastih pukotina, uzdužnih i poprečnih denivelacija, omekšanog asfaltnog zastora, oštećenih rubova i dr);
- radovi na održavanju cestovnih objekata, te uklanjanje manjih oštećenja, koja mogu ugroziti stabilnost i sigurnost objekta.

#### **3.2. Održavanje kolovoza**

Redovno održavanje kolovoza i saobraćajnih površina izvan kolovoza koje čine cestu, podrazumijeva sve radove na čišćenju površina i otklanjanju oštećenja tih dijelova cesta.

Čišćenje kolovoza podrazumijeva uklanjanje materijala osulina, odrona, pojedinačnog kamenja, masnih mrlja, blata, smeća i drugih materijala i predmeta koji ugrožavaju sigurnost saobraćaja. Ovi poslovi se obavljaju kontinuirano ili najkasnije 8 sati po saznanju.

Popravka udarnih rupa, oštećenja i drugih izrazito opasnih mjesta na kolovozu obavljaju se sa upotrebom materijala koji odgovaraju postojećem kolovozu.

Ivice popravljenih mjesta moraju biti uzdužne odnosno pravougaone u odnosu na osovinu ceste.

Popravci asfaltnih površina koji zahtijevaju više radnih faza moraju biti završeni u cijelosti tokom radnog dana, te se smiju prekidati u pojedinim fazama samo ako to zahtijeva tehnološki postupak.

Razmekšane asfaltne površine, na čiju površinu izlazi bitumen, potrebno je posipati sa odgovarajućim kamenim materijalom.

Uzdužne i poprečne pukotine na svim vrstama kolovoza treba ispuniti sa odgovarajućom masom.

Oštećene ivične trake i ivičnjake potrebno je popraviti odnosno zamijeniti, a spojnice zatvoriti.

Ako redovno održavanje na dijelu ceste sa intenzivnim saobraćajem ometa odvijanje saobraćaja, radovi se moraju obaviti u vremenu manjeg intenziteta saobraćaja.

Iskop na javnoj cesti radi polaganja instalacija i vodova, može se izvršiti samo na osnovu odobrenja Upravitelja, i mora se izvesti tako da je oštećenje trupa ceste i kolovozne konstrukcije što manje. Gdje god je to moguće umjesto prekopavanja kolovozne konstrukcije treba vršiti bušenje.

Popravak ceste na mjestu prokopa mora se izvesti u skladu sa posebnim uvjetima iz odobrenja Upravitelja na način da se izbjegne naknadno slijeganje na mjestu prokopa, a kolovozna konstrukcija mora biti izvedena od materijala koji odgovara zatečenom kolovozu ceste.

Gradilište potrebno je osigurati odgovarajućom signalizacijom i opremom.

Potpunu sanaciju prokopa potrebno je izvršiti odmah po prestanku razloga zbog kojih je izveden prokop i ukloniti svu privremenu signalizaciju.

### **3.3. Održavanje bankina**

Održavanjem bankina potrebno je osigurati da kota bankina bude u visini kolovoza ili najviše 5 cm ispod.

Bankina na višoj strani kolovoza mora imati poprečni nagib na vanjsku stranu, ne manji od 4% niti veći od 8%.

Kod bankine na nižoj strani kolovoza nagib mora biti kao i poprečni nagib kolovoza, ali ne manji od 4% za stabiliziranu, odnosno 7% za nestabilnu bankinu.

Bankina mora biti odgovarajuće zbijena.

### **3.4. Održavanje usjeka, zasjeka i nasipa**

Kosine nasipa i usjeka održavaju se tako da se osigura propisani nagib i oblik.

Nestabilno kamenje i manji odroni zemlje koji pokazuju tendenciju odvajanja ili klizanja, moraju se skidati sa kosina usjeka i zasjeka kad se pojava uoči.

### **3.5. Održavanje objekata za odvodnju**

Čišćenje, a po potrebi i produbljivanje cestovnih i odvodnih jaraka na propisani profil i uzdužni pad obavlja se tako da se omogući nesmetana odvodnja sa područja cestovnog zemljišta. Čišćenje rigola, kanala linijskih rešetki, taložnica i sličnih građevina obavlja se stalno, tako da se osigura neometana odvodnja.

Sprečavanje pritecanja vode na kolovoz sa strane (sa pristupnih cesta, dvorišta itd.) te sprečavanje stvaranja vododerina na kolovozu i bankinama treba izvršiti odmah, a najkasnije 15 dana po saznanju.

Održavanje slobodnog profila propusta uklanjanjem nanosa, rastinja, granja i sl. treba obavljati stalno.

Popravak podlokanog temelja, odnosno ležišta propusta treba obaviti odmah po uočavanju.

Popravak i obnova obložnih ploča dna jarka i površine ispred ulaza i izlaza propusta obavlja se tokom redovnog održavanja.

Filtere i drenažne cijevi treba kontrolirati najmanje dva puta na godinu (u proljeće i jesen) za vrijeme otapanja snijega i neposredno poslije jakih kiša.

Dotrajale filtere i drenažne cijevi potrebno je obnoviti tokom redovnog održavanja.

Uništeni ili nestali poklopac revizionog okna ili slivničke rešetke na cesti dužan je da zamijeni vlasnik instalacije, a upravitelj ceste i drugi nadležni organi po uočavanju nedostatka dužni su obilježiti mjesto odgovarajućom saobraćajnom signalizacijom i obavijestiti vlasnika instalacije, da isti odmah osigura ili izvrši zamjenu.

### **3.6. Održavanje opreme ceste**

#### **a) Vertikalna saobraćajna signalizacija**

Saobraćajne znakove treba održavati čistim, a nagnute i porušene znakove treba ispravljati odmah.

Uništeni saobraćajni znakovi opasnosti i zabrane na cesti moraju se zamijeniti odmah, a ostali u roku od 10 dana.

Zamjena i obnova dotrajalih znakova, obavlja se prema potrebi.

#### **b) Privremena saobraćajna signalizacija**

Saobraćajni znakovi i ostala privremena oprema na cesti, koja je bila postavljena pri određenim aktivnostima na javnoj cesti, mora se ukloniti odmah po prestanku razloga zbog kojih je i bila postavljena.

### **3.7. Košenje trave i održavanje zelenila**

Na bankinama i razdjelnom pojasu cesta na kojima su postavljene odbojne ograde trava i korov moraju se redovno održavati.



Košenje trave na kosinama nasipa, usjeka i cestovnim i odvodnim jarkovima iza odbojne ograde i na ostalom zemljištu obavlja se najmanje jedanput godišnje.

Živicu, grmlje i krošnje drveća koje se nalaze na cestovnom pojasu treba održavati u skladu sa hortikulturnom tehnologijom tako da ne zaklanjaju saobraćajnu signalizaciju, ne umanjuju preglednost ceste, ne ulaze u gabarit ceste, odnosno da svojim položajem i stanjem ne ugrožavaju sigurnost saobraćaja

### **3.8. Redovno održavanje objekata (mostova, propusta, potpornih zidova i sl.)**

U redovno održavanje objekata spadaju posebno:

#### **a) Čišćenje**

- spiranje soli sa izloženih površina, odstranjivanje posipnog materijala sa kolovoznih i drugih površina,
- rigola, slivnika i odvodnih cijevi.
- neposrednog prostora ispod i uz objekat,
- korita vodotoka od granja i ostalog materijala koji ugrožava objekat.

#### **b) Popravak**

- oštećenja na kolovozu, pješačkim stazama i ostalim površinama,
- oštećenja ograde, odbojnika, ivičnjaka,
- pojedinačnih oštećenja na betonskim, čeličnim, drvenim ili drugim dijelovima mosta,
- početnih ili uznapredovalih oštećenja antikorozivne zaštite,
- ostalih manjih oštećenja na pristupačnim dijelovima mosta,
- manjih oštećenja korita vodotoka,

Na potpornim i obložnim zidovima treba kontrolisati funkcionisanje drenaže, rigola i odvodnih kanala te iste održavati i čistiti.

Oštećenja koja direktno ugrožavaju sigurnost saobraćaja i koja nije moguće odmah sanirati, označavaju se odgovarajućom saobraćajnom signalizacijom.

### 3.9. Plan radova održavanja za 2024. godinu

Na osnovu planiranih sredstava za 2024. godinu, ekonomski kod: 613724 a predlažemo Plan radova kako slijedi:

Plan radova održavanja za 2024.godinu

Red broj	Opis radova	Jedinica mjere	Količina	Jedinična cijena	Ukupno
1.	Uklanjanje većih količina odrona zemlje i kamenog materijala sa kolovoza bankina, rigola i putnih kanala sa utovarom materijala u kamion i odvoz do najbliže deponije	m <sup>3</sup>	50,00	10,00	500,00
2.	Otkopavanje zemlje III i IV kategorije u širokom otkopu na trasi sa utovarom i odvozom zemlje na najbližu deponiju, dubina iskopa do 2 m	m <sup>3</sup>	30,00	10,00	300,00
3.	Čišćenje odvodnih kanala škarpiranom kašikom sa prilagođavanjem propusnom tipu sa utovarom iskapanog materijala u kamion i odvozom na najbližu deponiju	m'	2.000,00	1,942865	3.885,73
4.	Nabavka, transport i ugradnja drobljenog kamenog materijala na trasi puta granulacije 0-32mm za popravku makadamskog kolovoza (zastora) sa nabijanjem kamenog materijala do potrebne zbijenosti. Materijal se može koristiti za sanaciju velikih oštećenja na putnim pravicima.	m <sup>3</sup>	100,00	44,00	4.444,00
5.	Nabavka drobljenog kamenog materijala krečnjačkog porijekla granulacije 0-32 mm, dopuna i uređenje putnih bankina sa planiranjem i valjanjem.	m <sup>3</sup>	50,00	44,00	2.200,00
6.	Ručno i mašinsko krpanje asfaltnog kolovoza sa nabavkom i transportom asfaltne mase do mjesta ugradnje. U cijenu uključeno opsjecanje asfalta debljine do 8 cm sa pilom sjekačicom ili kompresorom i pikamerom u pravilnim geometrijskim likovima sa odvozom isječenog materijala na deponiju sa premazivanjem podloga i spojeva sa bitumenskom emulzijom, te nabavka i ugradnja asfaltne mase od krečnjačkog agregata sa nabijanjem valjkom, te zalivanje spojeva topljenim bitumenom i kamenim brašnom				
		m <sup>2</sup>	50,00	33,00	1.650,00
		m <sup>2</sup>	50,00	35,00	1.750,00
7.	Izrada nevezanog nosivog sloja (tamponski sloj). Stavka obuhvata nabavku, transport i ugradnju od ravnomjerno granuliranog drobljenca od krečnjačkog materijala iz pozajmišta uz propisano zbijanje radi postizanja potrebnog Evd > 55 MPa, sloj debljine cca 10 cm.	m <sup>3</sup>	39,00	44,00	1.716,00
8.	Zalivanje pukotina u asfaltnom kolovozu. Postojeću pukotinu potrebno je raširiti na min 2,00 cm do max 3,00 cm i to do dubine min 2,50 cm do max 3,00 cm. Čišćenje se izvodi komprimiranim zrakom uz min pritisak 0,70 Mpa, da se odstrani sav prah i eventualna zrna agregata.	m	300,00	5,00	1.500,00



	Stranice izrezane pukotine moraju biti apsolutno suhe i čiste-bez prašine. Očišćenu i osušenu pukotinu je potrebno odraditi sa primjenjenim predpremazom-prajmerom, koji veže na sebe dijeliče prašine i povećava prijonjivost. Sa zalijevanjem je dovoljeno početi kad je predpremaz dovoljno suh. Za zalijevanje je dozvoljeno upotrebljavati samo polimernu bitumensku masu. Temperatura zalivene mase treba biti mora biti između 160 C i 180 C. Radove je dozvoljeno samo izvoditi samo pri temperaturama iznad 5 C te samo po suhom vremenu. Po završetku radova je potrebno kolovoz očistiti. Po završetku zalijevanja je potrebno svježe zalivene pukotine posipati sa kamenim brašnom ili sličnim posipnim materijalom da ne dođe do oštećenja saniranih pukotina.				
9.	Nabavka i ugradnja saobraćajnih znakova (znakovi opasnosti, znakovi izričitih naredbi i znakova obavještenja).	kom	3,00	200,00	600,00
10.	Mašinsko uređenje bankine debljine sloja 5 do 10 cm, uređenje obuhvata skidanje (kresanje) nadvišenog sloja bankine, dovođenje bankine u projektovani pad i profil, te ostranjivanje viška materijala sa bankine i odvoz na deponiju.	m <sup>2</sup>	2.000,00	1,00	2.000,00
11.	Košenje trave i korova putnog pojasa: Obuhvata redovno košenje trave i korova sa svih elemenata cestovnog profila (bankina, kosina usjeka i nasipa...). Nakon košenja potrebno je prikupiti višak materijala, utovariti ga i odvesti izvan cestovnog pojasa. Potreba za intervencijom: Najveća visina trave može biti 30 cm na bankini odnosno do 1,30 m od ruba asfalta. Ako izvođač nema odgovarajuću opremu, trava treba biti ručno pokošena. Trava prije početka zime ne smije biti viša do 20 cm. Obračun po m <sup>2</sup> pokošene površine.	m <sup>2</sup>	22.000,00	0,10	2.200,00
12.	Mašinski iskop odvodnih kanala sa utovarom u vozilo i odvozom na deponiju Izvođača. (Obračun po m <sup>3</sup> iskopanog (samoniklog) materijala i odvezenog na deponiju).	m <sup>3</sup>	100,00	10,00	1.000,00
13.	Čišćenje kontrolnih šahtova ( drenaže, ulivnih i dr. šahtova ) sa utovarom materijala u vozilo i odvozom na deponiju Izvođača. (Obračun po jednom očišćenom šahtu).	kom	20,00	10,00	200,00
14.	Radovi koji nisu obuhvaćeni a obračunavaju se po efektivnom radnom satu:				
	Kamion kiper nosivosti do 10 t	h	5,00	75,00	375,00
	Buldozer	h	3,00	100,00	300,00
	Rovokopač (točkaš ili gusjeničar)	h	5,00	150,00	750,00
	Grejder	h	3,00	100,00	300,00
	Skip	h	3,00	90,00	270,00
	Valjak preko 7 t	h	3,00	90,00	270,00
	Rad radnika	h	20,00	7,5	150,00
	Kompresor sa pikamerom	h	3,00	45,00	135,00
				UKUPNO	26.495,73
				PDV	4.504,27
				SVEUKUPNO	31.000,00

**Napomena: Stvarne cijene pojedinih radova biti će konačne poslije provođenja postupka javne nabavke shodno Zakonu o javnim nabavkama Bosne i Hercegovine ("Sl.glasnik BiH", br: 39/14), dok su u gore navedenom planu radova date procjenjene vrijednosti radova.**

Svi radovi će se izvoditi po nalog Službe za urbanizam, stambeno-komunalne, imovinsko-pravne i geodetske poslove općine Sapna. Izvođač će radove izvoditi prema dinamici koju odredi investitor. Neurošena sredstva sa jedne pozicije mogu se preusmjeriti na drugu poziciju gdje se pojavi potreba.

#### **4.NADZOR**

Nadzor nad poslovima održavanja lokalnih i nekategorisanih puteva na području općine Sapna provodi Služba za urbanizam, stambeno-komunalne, imovinsko-pravne i geodetske poslove općine Sapna.

OPĆINSKI NAČELNIK

Zudin Mahmutović s.r.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06) i člana 22. Statuta Općine Sapna ("Službeni glasnik Općine Sapna", broj: 6/07, 8/09 i 3/12) i Budžeta Općine Sapna za 2024. godinu, Općinsko vijeće Sapna na sjednici održanoj dana 26.02. 2024. godine donosi

#### **ODLUKU**

**o odobravanju i izdvajanju novčanih sredstava iz Budžeta Općine Sapna za 2024. godinu za RVI 100% I grupe sa mjestom prebivališta na području općine Sapna**

#### **Član 1.**

Odobrava se izdvajanje novčanih sredstava iz Budžeta Općine Sapna za 2024. godinu u mjesečnom novčanom iznosu od po 100,00 KM za RVI 100% I grupe koji su korisnici prinadležnosti u Službi za opću upravu, društvene djelatnosti i boračka pitanja Općine Sapna i koji imaju prebivalište na području općine Sapna do dana stupanja na snagu ove odluke.

#### **Član 2.**

Novčana sredstva iz člana 1. ove Odluke za 2024. godinu biće isplaćivana sa Bužetske pozicije 0204011, ekonomski kod 614324 „JNP za RVI 100 % I grupe“.

#### **Član 3.**

Za realizaciju ove Odluke zadužuje se Općinski načelnik, Služba za opću upravu, društvene djelatnosti i boračka pitanja i Služba za privredu, budžet i finansije Općine Sapna, svako u okviru svoje nadležnosti.

#### **Član 4.**

Ova Odluka stupa na snagu danom donošenja i ima se objaviti u „Službenom glasniku Općine Sapna“, a primjenjivat će se za period 01.01.2024. godine do 31.12.2024. godine.

Bosna i Hercegovina  
Federacija Bosne i Hercegovine  
Tuzlanski kanton  
Općina Sapna  
Općinsko vijeće

Broj : 02-02-343-5/2024  
Sapna, 26.02.2024. godine

Predsjedavajući Općinskog vijeća  
Sabit Brđak s.r.



Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06), člana 22. stav 2. Zakona o stvarnim pravima FBiH ("Službene novine Federacije BiH", broj 66/13 i 100/13) i člana 22. Statuta Općine Sapna ("Službeni glasnik Općine Sapna", broj: 6/07, 8/09 i 3/12), Općinsko vijeće Sapna na redovnoj sjednici održanoj 26.02.2024. godine, donosi

**O D L U K U**  
**o dodjeli na korištenje poslovnog prostora**

**Član 1.**

Organizaciji demobilisanih boraca sa područja grada Zvornik, dodjeljuje se na korištenje bez naknade poslovni prostor u zgradi Poslovno – uslužnog centra u Sapni u ulici 206. Viteške brigade bb, 75411 Sapna, na kojem pravo raspolaganja ima Općina Sapna, i to: poslovni prostor na II spratu sa pravom zajedničkog korištenja sa drugim udruženjima, u ukupnoj površini od 36 m<sup>2</sup>.

**Član 2.**

Organizacija demobilisanih boraca sa područja grada Zvornik je obavezna plaćati sve režijske troškove kao i eventualne druge troškove nastale u vezi sa upotrebom poslovnog prostora iz člana 1. ove odluke.

U režijske i troškove održavanja navedenog prostora spadaju troškovi:

- energenata (grijanje, električna energija, PTT usluge i sl.),
- komunalnih usluga (voda, odvodnja, odvoz smeća i sl.),
- redovnog održavanja kojima se kancelarija održava u funkcionalnom stanju.

**Član 3**

Organizacija demobilisanih boraca sa područja grada Zvornik ima obavezu prostor pobliže opisan u članu 1. ove Odluke koristiti sa pažnjom dobrog domaćina i namjenski, u skladu sa pozitivnim zakonskim propisima i odlukama Općinskog vijeća Sapna, te isti nakon upotrebe dovesti u prvobitno stanje.

**Član 4.**

Odluka će se primjenjivat počev od 01.03.2024. godine i traje dok Organizacija demobilisanih boraca sa područja grada Zvornik trajno ne riješi pitanje sjedišta udruženja.

**Član 5.**

Ova Odluka stupa na snagu danom donošenja i biće objavljena u "Službenom glasniku Općine Sapna".

Bosna i Hercegovina  
Federacija Bosne i Hercegovine  
Tuzlanski kanton  
Općina Sapna  
Općinsko vijeće

Broj : 02-02-343-6/2024  
Sapna, 26.02.2024. godine

Predsjedavajući Općinskog vijeća  
Sabit Brđak s.r.

Na osnovu člana 13. Zakona o principima lokalne samouprave („Službene novine Federacije BiH“, broj: 49/06), člana 22. Statuta općine Sapna („Službeni glasnik općine Sapna“, broj: 6/07, 8/09 i 3/12) i Budžeta Općine Sapna za 2024. godinu („Službeni glasnik općine Sapna“ broj 1/24), Općinsko vijeće Sapna na redovnoj sjednici održanoj 26.02. 2024. godine, donosi:

## **ODLUKU**

### **o subvencioniranju prijevoza učenika Mješovite srednje škole Sapna za drugo polugodište školske 2023/2024 godine i prvo polugodište školske 2024/2025 godine**

#### **Član 1.**

Ovom Odlukom odobrava se subvencioniranje troškova prijevoza redovnih učenika Mješovite srednje škole Sapna pri odlasku u školu i povratku iz škole svaki radni dan (u daljem tekstu: srednja škola) za drugo polugodište školske 2023/2024 godine i prvo polugodište školske 2024/2025 godine.

#### **Član 2.**

Subvencioniranje troškova prijevoza za redovne učenike srednje škole vršit će se za putne pravce na području općine Sapna na kojima se vrši prijevoz učenika prema registrovanim redovima vožnje ili ugovorenim prijevozima učenika Osnovne škole Sapna.

#### **Član 3.**

Obračun će se vršiti u skladu sa važećim daljinarima, po relacijama i spiskovima učenika koji redovno pohađaju srednju školu, ovjerenim od strane srednje škole za period utvrđen u članu 1. ove Odluke.

#### **Član 4.**

Naknada će se isplaćivati pružaocu usluga (prijevozniku) mjesečno, po slijedećim putnim pravcima i iznosima:

1. Pravac 1: Klisa – Đulići – Šetići - Lupe - Sapna – 580,00 KM
2. Pravac 2: Jusići – Sapna – 250,00 KM
3. Pravac 3: Goduš – Sapna – 350,00 KM
4. Pravac 4: Međeđa – Sapna – 350,00 KM
5. Pravac 5: Nezuk-Zaseok-Sapna – 350,00 KM
6. Pravac 6: Fatići-Brđaci-Handelići-Sapna – 230,00 KM
7. Pravac 7: Žuje-Šarci-Sapna – 230,00 KM.

Mjesečna naknada za sve putne pravce iznosi 2.340,00 KM.

Ukupna naknada za subvencioniranje prijevoza učenika srednje škole iznosi 19.890,00 KM, za 8,5 mjeseci koliko traje izvođenje nastave u periodu utvrđenom u članu 1. ove Odluke.

#### **Član 5.**

Sredstva za subvencioniranje prijevoza realizovaće se periodično na osnovu ispostavljenih mjesečnih faktura registrovanog prijevoznika koji vrši prijevoz učenika na području općine Sapna i zahtjeva za plaćanje od Službe za opću upravu, društvene djelatnosti i boračka pitanja, a u skladu sa spiskovima učenika ovjerenim od strane srednje škole.



#### **Član 6.**

Mješovita srednja škola Sapna se obavezuje da sa prijevoznikom utvrdi spisak redovnih učenika, isti ovjeri i dostavi službi za opću upravu, društvene djelatnosti i boračka pitanja radi realizacije plaćanja prijevoza učenika.

#### **Član 7.**

Sredstva za realizaciju ove Odluke obezbijediće se u Budžeta općine Sapna za 2024. godinu.

#### **Član 8.**

Za realizaciju ove Odluke zadužuje se Služba za opću upravu, društvene djelatnosti i boračka pitanja i Služba za privredu, budžet i finansije.

#### **Član 9.**

Ova Odluka stupa na snagu danom donošenja, a ista će se objaviti u „Službenom glasniku Općine Sapna“.

Bosna i Hercegovina  
Federacija Bosne i Hercegovine  
Tuzlanski kanton  
Općina Sapna  
Općinsko vijeće

Broj : 02-02-343-7/2024  
Sapna, 26.02.2024. godine

Predsjedavajući Općinskog vijeća  
Sabit Brđak s.r.

Na osnovu člana 344. Zakona o obligacionim odnosima („Sl. list SFRJ“, br. 29/78, 39/85, 45/89 i 57/89 i „Sl. list RBiH“, br. 2/92, 13/93 i 13/94 i „Službene novine FBiH“ br.29/03 i 42/11), i člana 22. Statuta Općine Sapna (“Službeni glasnik Općine Sapna”, br. 6/07, 8/09 i 3/12), Općinsko vijeće Sapna, na sjednici održanoj dana 26.02.2024. godine donosi

**O D L U K U**  
**o prihvatanju teksta Sporazuma**

**Član 1.**

Prihvata se tekst Sporazuma o otpustu obaveza u 2023.godini između Općinskog vijeća Sapna i JKP “Sapna” d.o.o. Sapna u iznosu od 16.671,50 KM i to po osnovu zakupa pijačnog prostora na pijaci Sapna sa dospeljem na dan 30.11.2023.godine.

**Član 2.**

Ovlašćuje se Općinski načelnik da u ime Općinskog vijeća Sapna potpiše Sporazum iz člana 1. ove odluke.

**Član 3.**

Ova Odluka stupa na snagu danom donošenja i biće objavljena u „Službenom glasniku Općine Sapna“.

Bosna i Hercegovina  
Federacija Bosne i Hercegovine  
Tuzlanski kanton  
Općina Sapna  
Općinsko vijeće

Broj:02-02-343-8 /24  
Sapna, 26.02.2024. godine

Predsjedavajući Općinskog vijeća  
Sabit Brđak s.r.

Na osnovu člana 344. Zakona o obligacionim odnosima („Sl. list SFRJ“, br. 29/78, 39/85, 45/89 i 57/89 i „Sl. list RBiH“, br. 2/92, 13/93 i 13/94 i „Službene novine FBiH“ br.29/03 i 42/11), te odredbama Zakona o preduzećima u Federaciji BiH („Službene novine FBiH“, broj: 8/05, 81/08, 22/09 i 109/12), člana 22. Statuta Općine Sapna („Službeni glasnik Općine Sapna“, br. 6/07, 8/09 i 3/12) i člana 15. Odluke o osnivanju Javnog komunalnog preduzeća „Sapna“ d.o.o. Sapna („Službeni glasnik općine Sapna“, broj 3/14 i 1/17), na molbu JKP „Sapna“ d.o.o. Sapna i prijedlog Općinskog načelnika, Općinsko vijeće Sapna, na sjednici održanoj dana 26.02.2024. godine donosi

## **O D L U K U** **o otpustu duga**

### **Član 1.**

Općinsko vijeće Sapna otpušta dug JKP „Sapna“ d.o.o. Sapna po osnovu dospijeća obaveza na dan 30.11 2023.godini za zakupa pijačnog prostora na pijaci Sapna u iznosu od 16.671,50 KM.

### **Član 2.**

Zadužuje se JKP „Sapna“ d.o.o. Sapna da dostavi pismeni saglasnost za otpust duga iz člana 1. ove odluke.

### **Član 3.**

Za realizaciju ove odluke zadužuju se Služba za privredu, budžet i finansije.

### **Član 4.**

Ova Odluka stupa na snagu danom donošenja i biće objavljena u „Službešom glasniku Općine Sapna“.

Bosna i Hercegovina  
Federacija Bosne i Hercegovine  
Tuzlanski kanton  
Općina Sapna  
Općinsko vijeće

Broj:02-02-343-9/24  
Sapna, 26.02.2024. godine

Predsjedavajući Općinskog vijeća  
Sabit Brđak s.r.

Na osnovu člana 64. stav 8. Zakona o zdravstvenoj zaštiti („Službene novine Federacije BiH“, broj 46/10 i 75/13), člana 4. Zakona o ministarskim, vladinim i drugim imenovanjima („Službene novine Federacije BiH“, broj 12/03, 34/03 i 65/13) i člana 22. Statuta općine Sapna („Službeni glasnik općine Sapna“ broj 6/07, 8/09 i 3/12), na prijedlog Općinskog načelnika, Općinsko vijeće Sapna, na sjednici održanoj dana 26.02. 2024. godine donosi

**R J E Š E N J E**  
**o razrješenju i privremenom imenovanju predsjednika Upravnog odbora**  
**JZU Dom zdravlja Sapna**

I

Salihović Mujo razrješava se dužnosti predsjednika Upravnog odbora Javne zdravstvene ustanove Dom zdravlja Sapna zbog sukoba interesa.

II

Alić Adil privremeno se imenuje na dužnost predsjednika Upravnog odbora Javne zdravstvene ustanove Dom zdravlja Sapna.

III

Privremeno imenovanje iz tačke II. ovog rješenja vrši se na period do okončanja postupka po javnom oglasu, a najduže tri mjeseca, u skladu sa Zakonom o ministarskim, vladinim i drugim imenovanjima Federacije Bosne i Hercegovine.

IV

Ovo Rješenje stupa na snagu danom donošenja i bit će objavljeno u „Službenom glasniku općine Sapna“.

Bosna i Hercegovina  
Federacija Bosne i Hercegovine  
Tuzlanski kanton  
Općina Sapna  
Općinsko vijeće

Broj:02-02-343-10/24  
Sapna, 26.02.2024. godine

Predsjedavajući Općinskog vijeća  
Sabit Brđak s.r.

Općinsko vijeće Sapna, na osnovu člana 10. Zakona o porezu na promet nepokretnosti i prava - prečišćeni tekst („Službene novine TK „ broj 5/21) i člana 22. Statuta općine Sapna („Službeni glasnik općine Sapna“, broj 6/07, 8/09 i 3/12), na redovnoj sjednici održanoj dana 26.02.2024. godine, donosi:

**R J E Š E N J E**  
**o dopuni Rješenja o imenovanju Komisije**  
**za utvrđivanje prometne vrijednosti nepokretnosti i prava**

**I**

U Rješenju o imenovanju Komisije za procjenu prometne vrijednosti nepokretnosti i prava na području općine Sapna („Službeni glasnik općine Sapna“, broj 1/24), tačka I dopunjuje se na način da se u Komisiju imenuju i:

- Jasmin Suljić, član,
- Sejfidin Suljić, član.

**II**

U tački II Rješenja iza stava (1) dodaje se stav (2) koji glasi:

„Za svaki pojedinačni zahtjev za procjenu vrijednosti nepokretnosti i prava predsjednik Komisije određuje tri člana koji će izvršiti procjenu vrijednosti te nepokretnosti na način propisan u stavu (1) ove tačke.

**III**

Ovo Rješenje stupa na snagu osmog dana od dana objavljivanja u „Službenom glasniku općine Sapna“.

Bosna i Hercegovina  
Federacija Bosne i Hercegovine  
Tuzlanski Kanton  
Općina Sapna  
Općinsko vijeće

Broj:02-02-343-11/24  
Sapna, 26.02.2024. godine

Predsjedavajući Općinskog vijeća  
Sabit Brđak s.r.



Na osnovu člana 22. i 124. Statuta Općine Sapna („Službeni glasnik Općine Sapna“, broj 6/07, 8/09 i 3/12), te člana 100. i 107. Poslovnika Općinskog vijeća („Sužbeni. glasnik Općine Sapna“, broj 7/07, 9/08 i 2/20), Općinsko vijeće Sapna na sjednici održanoj dana 26.02.2024.godine, razmatrajući Izvještaj o rješavanju upravnih stvari u upravnom postupku za 2023. godinu u općini Sapna, donijelo je

## ZAKLJUČAK

### I.

Usvaja se Izvještaj o rješavanju upravnih stvari u upravnom postupku za 2023. godinu u općini Sapna.

### II.

Zaključak stupa na snagu danom donošenja i objavit će se u „Službenom glasniku Općine Sapna“.

Bosna i Hercegovina  
Federacija Bosne i Hercegovine  
Tuzlanski kanton  
Općina Sapna  
Općinsko vijeće

Broj: 02-02-343-12/24  
Datum, 26.02. 2024.godine

Predsjedavajući Općinskog vijeća  
Sabit Barđak s.r.

Na osnovu člana 22. i 124. Statuta Općine Sapna („Službeni glasnik Općine Sapna“, broj 6/07, 8/09 i 3/12), te člana 100. i 107. Poslovnika Općinskog vijeća („Službeni glasnik Općine Sapna“, broj 7/07, 9/08 i 2/20), Općinsko vijeće Sapna na sjednici održanoj dana 26.02.2024.godine, razmatrajući Informaciju o planu proljetne sjetve, donijelo je

## ZAKLJUČAK

### I.

Usvaja se Informacija o planu proljetne sjetve.

### II.

Zaključak stupa na snagu danom donošenja i objavit će se u „Službenom glasniku Općine Sapna“.

Bosna i Hercegovina  
Federacija Bosne i Hercegovine  
Tuzlanski kanton  
Općina Sapna  
Općinsko vijeće

Broj: 02-02-343-13/24  
Datum, 26.02. 2024.godine

Predsjedavajući Općinskog vijeća  
Sabit Brđak s.r.

Na osnovu člana 22. i 124. Statuta Općine Sapna („Službeni glasnik Općine Sapna“, broj 6/07, 8/09 i 3/12), te člana 100. i 107. Poslovnika Općinskog vijeća („Sužbeni. glasnik Općine Sapna“, broj 7/07, 9/08 i 2/20), Općinsko vijeće Sapna na sjednici održanoj dana 26.02.2024.godine, razmatrajući Informaciju o podsticajima u poljoprivredi sa viših nivoa vlasti, donijelo je

## ZAKLJUČAK

### I.

Usvaja se Informacija o podsticajima u poljoprivredi sa viših nivoa vlasti.

### II.

Zaključak stupa na snagu danom donošenja i objavit će se u „Službenom glasniku Općine Sapna“.

Bosna i Hercegovina  
Federacija Bosne i Hercegovine  
Tuzlanski kanton  
Općina Sapna  
Općinsko vijeće

Broj: 02-02-343-14/24  
Datum, 26.02. 2024.godine

Predsjedavajući Općinska vijeća  
Sabit Brđak s.r.

Na osnovu člana 22. i 124. Statuta Općine Sapna („Službeni glasnik Općine Sapna“, broj 6/07, 8/09 i 3/12), te člana 100. i 107. Poslovnika Općinskog vijeća („Službeni glasnik Općine Sapna“, broj 7/07, 9/08 i 2/20), Općinsko vijeće Sapna na sjednici održanoj dana 26.02.2024.godine, razmatrajući Informaciju o broju korisnika koji su oslobođeni plaćanja priključka na sistem vodosnabdijevanja općine Sapna, donijelo je

## ZAKLJUČAK

### I.

Usvaja se Informacija o broju korisnika koji su oslobođeni plaćanja priključka na sistem vodosnabdijevanja općine Sapna.

### II.

Zaključak stupa na snagu danom donošenja i objavit će se u „Službenom glasniku Općine Sapna“.

Bosna i Hercegovina  
Federacija Bosne i Hercegovine  
Tuzlanski kanton  
Općina Sapna  
Općinsko vijeće

Broj: 02-02-343-15/24  
Datum, 26.02. 2024.godine

Predsjedavajući Općinskog vijeća  
Sabit Brđak s.r.



Na osnovu člana 22. i 124. Statuta Općine Sapna („Službeni glasnik Općine Sapna“, broj 6/07, 8/09 i 3/12), te člana 100. i 107. Poslovnika Općinskog vijeća („Sužbeni. glasnik Općine Sapna“, broj 7/07, 9/08 i 2/20), Općinsko vijeće Sapna na sjednici održanoj dana 26.02.2024.godine, razmatrajući i sprovodeći Javnu raspravu na Nacrt Zakona o oružju i municiji Tuzlanskog kantona, donijelo je

## ZAKLJUČAK

### I.

Općinsko vijeće nema prijedloga, primjedbi i sugestija na Nacrt Zakona o oružju i municiji Tuzlanskog kantona.

### II.

Zaključak stupa na snagu danom donošenja i objavit će se u „Službenom glasniku Općine Sapna“.

Bosna i Hercegovina  
Federacija Bosne i Hercegovine  
Tuzlanski kanton  
Općina Sapna  
Općinsko vijeće

Broj: 02-02-343-16/24  
Datum, 26.02. 2024.godine

Predsjedavajući Općinskog vijeća  
Sabit Brđak s.r.

Na osnovu člana 22. i 124. Statuta Općine Sapna („Službeni glasnik Općine Sapna“, broj 6/07, 8/09 i 3/12), te člana 100. i 107. Poslovnika Općinskog vijeća („Sužbeni. glasnik Općine Sapna“, broj 7/07, 9/08 i 2/20), Općinsko vijeće Sapna na sjednici održanoj dana 26.02.2024.godine, razmatrajući Rezoluciju o prevenciji i osudi svih oblika nasilja nad ženama Skupštine Tuzlaskog kantona, donijelo je

## ZAKLJUČAK

### I.

Općinsko vijeće Sapna zadužuje Općinskog načelnika da putem Službe za opću upravu, društvene djelatnosti i boračka pitanja predloži kandidate za imenovanje Koordinacionog tima za prevenciju protiv nasilja.

Sastav Koordinacionog tima treba da čine predstavnici policijske uprave općine, Dom zdravlja, Centra za socijalni rad, Osnovne i Mješovite srednje škole, općinskog suda i nevladinih organizacija koje se bave nevladinim pitanjima, socijalni pedagog/psiholog.

### II.

Zaključak stupa na snagu danom donošenja i objavit će se u „Službenom glasniku Općine Sapna“.

Bosna i Hercegovina  
Federacija Bosne i Hercegovine  
Tuzlanski kanton  
Općina Sapna  
Općinsko vijeće

Broj: 02-02-343-17/24  
Datum, 26.02. 2024.godine

Predsjedavajući Općinskog vijeća  
Sabit Brđak s.r.

Bosna i Hercegovina  
Federacija Bosne i Hercegovine  
Tuzlanski kanton  
OPĆINA SAPNA  
Općinski načelnik

Broj: 01-19-194/24  
Sapna, 05.02.2024. godine

Na osnovu člana 41. Statuta Općine Sapna („Službeni glasnik Općine Sapna“, broj 6/07, 8/09 i 3/12) i člana 7. Odluke o povjeravanju na upravljanje i održavanje objekata neprofitno-socijalnog stanovanja („Službeni glasnik Općine Sapna“, broj 1/22), Općinski načelnik, donosi:

## **ODLUKU o davanju saglasnosti**

### **Član 1.**

Daje se saglasnost na prijedlog Godišnjeg plana upravljanja i održavanja zgrada neprofitno-socijalnog stanovanja u Sapni za 2024. godinu.

### **Član 2.**

Sastavi dio ove Odluke je Godišnji plan upravljanja i održavanja zgrada neprofitno-socijalnog stanovanja u Sapni za 2024. godinu, broj: 01-04-60/24 od 30.01.2024. godine, utvrđen od strane Upravitelja.

### **Član 3.**

Ova Odluka stupa na snagu danom donošenja i bit će objavljena u „Službenom glasniku Općine Sapna“.

OPĆINSKI NAČELNIK

Zudin Mahmutović s.r.

#### **Dostaviti:**

1. Upravitelju – JKP “Sapna“ d.o.o. Sapna
2. Službi za urbanizam, stambeno-komunalne, imovinsko pravne i geodetske poslove
3. Službi za privredu, budžet i finansije
4. U „Službeni glasnik Općine Sapna“
5. Arhivi

Javno komunalno preduzeće „Sapna“ d.o.o. Sapna

**Godišnji plan upravljanja i održavanja zgrada neprofitno-socijalnog  
stanovanja u Sapni za 2024. godinu**

---

Sapna, januar 2024. godine



## SADRŽAJ

I . Opće odredbe .....	2
II . Pojam upravljanja i održavanja .....	2
Obaveza upravljanja .....	2
Vrste održavanja.....	2
III. Održavanje stanova .....	3
Tekuće održavanje stanova .....	3
Investiciono održavanje stanova.....	4
IV Održavanje zajedničkih dijelova i uređaja.....	4
Zajednički dijelovi .....	4
Redovno održavanje zajedničkih dijelova .....	5
Investiciono održavanje zajedničkih dijelova i uređaja zgrade .....	6
V Hitni i nužni popravci.....	7
Hitni popravci .....	7
Nužni popravci.....	7
VI TABELARNI PRIKAZ GODIŠNJEG PLANA UPRAVLJANJA I ODRŽAVANJA ZGRADA ZA 2024. GODINU .....	8

Na osnovu Odluke o povjeravanju na upravljanje i održavanje objekta neprofitno-socijalnog stanovanja („Službeni glasnik općine Sapna“, broj 01/2022), i Pravilnika o upravljanju i održavanju objekata neprofitno-socijalnog stanovanja („Službeni glasnik općine Sapna“ broj 06/21), Uprava JKP „SAPNA“ d.o.o.Sapna donosi

## **GODIŠNJI PLAN UPRAVLJANJA I ODRŽAVANJA ZGRADA ZA 2024. GODINU**

### **I . Opće odredbe**

1) Ovim planom se uređuju pitanja upravljanja i održavanja objekata u vlasništvu Općine Sapna koji su na osnovu Odluke o osnivanju, upravljanju, raspolaganju i korištenju stambenog fonda uz primjenu principa socijalnog stanovanja („Službeni glasnik Općine Sapna“, broj 4/15) namijenjeni za neprofitno-socijalno stanovanje.

2) Upravljanje i održavanje objekata namijenjenih za neprofitno-socijalno stanovanje je javni interes.

### **II . Pojam upravljanja i održavanja**

1) Upravljanje objektima neprofitno-socijalnog stanovanja je koordiniranje i usmjeravanje pojedinačnih i sveukupnih djelovanja radi njihovog skladnog funkcioniranja i optimalnog ostvarivanja utvrđenih zadataka u cilju efikasnog korištenja i održavanja stambenog objekta i zadržavanja njegove vrijednosti a predstavlja niz kontinuiranih administrativnih, finansijskih i tehničkih aktivnosti, kao što su:

1. Održavanje zgrade kao cjeline i zajedničkih dijelova zgrade,
2. Odlučivanje o osiguranju i korištenju finansijskih sredstava,
3. Osiguranje korištenja zgrade i
4. Druga pitanja od značaja za upravljanje zgradom.

2) Održavanja stambene zgrade neprofitno-socijalnog stanovanja je sprječavanje i otklanjanje kvarova i sprečavanje štete koja može nastati na zajedničkim dijelovima zgrade i pripadajućim stambenim jedinicama.

### **Obaveza upravljanja**

1) Sve poslove u vezi upravljanja i održavanja stambenim fondom neprofitno-socijalnog stanovanja u ime Općine Sapna vrši Općinski načelnik, putem nadležnih općinskih službi.

### **Vrste održavanja**

1) Održavanje objekata neprofitno-socijalnog stanovanja podrazumijeva održavanje stanova u objektima i održavanje zajedničkih dijelova i uređaja objekata.

2) Poslovi održavanja objekata neprofitno-socijalnog stanovanja, u zavisnosti od njihove prirode, obima i dinamike izvođenja, su:

#### **a) redovno/tekuće održavanje**

Izvođenje radova radi sprečavanja oštećenja koja nastaju upotrebom zgrade ili radi otklanjanja tih oštećenja, redovno tehničko održavanje, kao što su redovan pregled raznih instalacija i uređaja, te higijensko i održavanje zelenila, radi zadovoljavajućeg nivoa upotrebljivosti zgrade.

#### **b) investiciono održavanje/velike popravke**

Velike popravke ili prepravke i zamjena uređaja, instalacija i dijelova zgrade (kao što su krov, fasada, stolarija), kako bi se objekti u korisnom periodu trajanja mogli normalno koristiti za stanovanje. Obim radova, rokovi izvođenja, te finansijska sredstva, planiraju se kroz poseban program investicionog održavanja.

#### **c) hitne popravke**

Radovi na sprječavanju i otklanjanju uzroka neposredne opasnosti po život i zdravlje ljudi u objektu, ili pored njega u dometu opasnosti, kao i neposredne opasnosti za oštećenje imovine, koji se izvode bez odlaganja - radovi hitne intervencije.

#### **d) nužne popravke**

Radovi na otklanjanju oštećenja na objektu koja predstavljaju opasnosti za život i zdravlje ljudi - radovi nužne popravke.

#### **e) popravke poslije prirodne nepogode**

Popravka poslije prirodne nepogode, u cilju sanacije posljedica prirodne nepogode na zajedničkim dijelovima zgrade i stanovima, u skladu sa planom sanacije posljedica prirodne nepogode koje izrađuje nadležni organ vlasti.

### **III. Održavanje stanova**

#### **Tekuće održavanje stanova**

- 1) Korisnik stana neprofitno-socijalnog stanovanja je obavezan održavati vlastiti stan. Održavanje predstavlja izvršavanje određenih poslova radi očuvanja zatečenih vrijednosti stana, odnosno zgrade kao cjeline. Dužnost je stanara brinuti se i održavati u ispravnom stanju stan koji koristi, na način da drugim stanarima ne uzrokuje štetu.
- 2) Korisnik stana je dužan organizirati i snositi troškove tekućeg održavanja stana i to:
  - a) Redovne preglede i servisiranje instalacija vodovoda i kanalizacije od priključka na zajedničku vodovodnu i kanalizacionu vertikalnu zgrade do priključka na sanitarni uređaj u stanu (sifon, sudopere, umivaonik i sl.),
  - b) Odčepljenje i čišćenje kanalizacione mreže koja pripada samo stanu i odnošenje izlivnih ostataka,
  - c) Popravke ili zamjenu dijelova električnih instalacija u stanu (prekidača, sijalica i dr.),
  - d) Dezinsekciju i dezinfekciju stana,
  - e) Krećenje prostorija u stanu,
  - f) Popravku ili zamenu okova, brava, katanaca i drugih uređaja za zatvaranje prostorija u stanu,
  - g) Čišćenje snijega i leda sa prozora, balkona, lođa i terasa svog stana,
  - h) Održavanje higijene u stanu,
  - i) Druge radove kojima se osigurava tekuće održavanje stana na zadovoljavajućem nivou upotrebljivosti.



- 3) Izvođenje radova tekućeg održavanja stana finansira korisnik stana uz obavezu prilagođavanja pravilima kućnog reda i postupanja s pažnjom dobrog domaćina.

### **Investiciono održavanje stanova**

- 1) Općina Sapna je dužna da iz posebnog fonda formiranog iz definisane zakupnine vrši i finansira investiciono održavanje stambenih jedinica i to ugradnju, popravku ili zamjenu:
  - a) grijanja u stambenim jedinicama,
  - b) telefonskih i elektroinstalacija
  - c) vodovodnih i kanalizacionih instalacija
  - d) druge radove kojima se obezbjeđuje funkcionalnost i upotrebljivost stambenih jedinica, ako je ista ugrožena.
- 2) Izuzetno, u slučajevima kada se ugradnja vrši na izričit zahtjev i potrebu korisnika stana, ukoliko je vlasnik stana saglasan sa istim, radove iz ovog člana može preduzeti i finansirati korisnik stana uz pismenu saglasnost vlasnika.
- 3) Korisnik stana nije ovlašten vršiti u stanu bilo kakve prepravke i rekonstrukcije bez pismene saglasnosti vlasnika.

### **IV Održavanje zajedničkih dijelova i uređaja**

#### **Zajednički dijelovi**

- 1) U zajedničke dijelove zgrade spadaju:

- a) nosiva konstrukcija zgrade (temelji, nosivi zidovi, stubovi, međuspratna konstrukcija, krovni pokrivač/kosi i ravni/),
- b) krovovi (izolacije, crijep i slično),
- c) prohodne i neprohodne zajedničke terase,
- d) prostor u prizemlju gdje su smještene ostale stanarske ostave,
- e) potkrovlje-tavan,
- f) zajedničko spremište,
- g) prostorija za održavanje higijene,
- h) fasade zgrade, ulazna vrata i prozori zajedničkih prostora,
- i) krovna i ostala limarija (slivne vertikale, oluci, opšavi i drugo),
- j) dimnjaci, ventilacioni kanali, hidranti, protupožarni aparati, crijeva sa mlaznicama i slično, k) zajednička stubišta, ograde, požarni prilazi i slično,
- l) dizala za prijevoz putnika i tereta (liftovi) sa svim instalacijama koje osiguravaju normalno i sigurno korištenje istih,
- m) električne instalacije od glavnih osigurača do pomoćne razvodne ploče,
- n) vodovodne vertikalne i horizontalne instalacije od prvog ventila u stanu i drugim posebnim dijelovima zgrade do glavnog vodomjera (isključujući vodomjer),
- o) sanitarni uređaji, instalacije vodovoda i kanalizacije u zajedničkim prostorijama,
- p) vertikalne kanalizacione instalacije od uključenja vodovoda iz stana i drugih posebnih dijelova zgrade do sabirnih šahtova,



- q) električne instalacije stubišne rasvjete (automati, sijalična mjesta i armature, razvodna ploča, brojila i uklopni sat),
- r) telefonske instalacije do razvoda za stan, instalacije električnih brava, interfona, pozivnih tastatura, zvona, instalacije gromobrana i slično,
- s) instalacije kablovskih i antenskih sistema, od razvodnika na ulazu u zgradu, na krovu ili u prizemlju, do razvodnika instalacija na ulazu u stan i druge posebne dijelove zgrade,
- t) i drugi dijelovi i uređaji koji služe zajedničkoj svrsi.

2) Korisnici stanova neprofitno-socijalnog stanovanja imaju pravo da neometano koriste zajedničke dijelove zgrade bez povređivanja prava ostalih korisnika.

3) Održavanje zajedničkih dijelova stambenih jedinica iz člana 1. ovog Pravilnika vrši se u skladu sa odgovarajućim odredbama važećeg Zakona o korištenju, upravljanju i održavanju zajedničkih dijelova i uređaja zgrade.

### **Redovno održavanje zajedničkih dijelova**

- 1) Pod redovnim održavanjem zajedničkih dijelova i uređaja zgrade prema zakonu smatra se:
  - a) redovno održavanje čistoće zajedničkih prostorija,
  - b) redovno plaćanje utroška električne energije u zajedničkim dijelovima i uređajima zgrade,
  - c) krećenje i bojenje zidova, stropova, vanjske i unutrašnje stolarije i ostali molersko – farbarski radovi,
  - d) bojenje bravarije, radijatora, drugih grijnih tijela i drugih odgovarajućih elemenata,
  - e) zamjena krovova,
  - f) keramičarski i drugi radovi na završnim oblogama podova i zidova,
  - g) zamjena podnih obloga i premazivanje podova,
  - h) popravak fasade,
  - i) zamjena i popravak stolarije, uključujući i elemente zaštite od vanjskih uticaja (kapci, žaluzine i slično)
  - j) popravak pokrova i ravnog krova, djelimična i potpuna sanacija,
  - k) održavanje rasvjete i drugih električnih uređaja, (zamjena sijalica, prekidača, utičnica, zvona, svjetiljki, interfona i slično), kao i održavanje vanjske rasvjete koja pripada zgradi,
  - l) zamjena i popravak brava i drugih elemenata,
  - m) održavanje nasada, staza, opreme i drugih elemenata na zemljištu koji pripadaju zgradi (ograde, sprave za igru djece, okviri za čišćenje tepiha, klupe i slično),
  - n) redovni servisi lifta,
  - o) redovni servisi protivpožarne instalacije i protivpožarnih aparata,
  - p) redovni servisi na instalacijama vodovoda, kanalizacije i elektroinstalacija i mašinskih instalacija,
  - q) redovni servisi ostalih aparata i uređaja u zgradi prema uputstvu proizvođača,
  - r) održavanje i čišćenje dimnjaka i ventilacionih kanala,
  - s) dezinfekcija, dezinfekcija i deratizacija zajedničkih prostorija zgrade i posebnih dijelova i uređaja zgrade kada se obavlja u cijeloj zgradi u cilju trajnog otklanjanja štetočina i gamadi i
  - t) čišćenje odvodnih rešetaka, odvoda i oluka.
- 2) Vlasnik objekta namijenjenog za neprofitno-socijalno stanovanje (Općina Sapna) je dužan da iz posebnog fonda formiranog iz najamni ne vrši i finansira održavanje zajedničkih dijelova zgrade.

- 3) Korisnik koji u stanu, dijelu stana ili na drugim dijelovima zgrade ili uređajima, instalacijama i opremi, namjerno ili nepažnjom, prouzrokuje štetu, ili ih prouzrokuju članovi njegovog porodičnog domaćinstva, ili osobe koje su u stanu i zgradi uz njegov pristanak, obavezan je organizirati i snositi troškove opravki.
- 4) Ukoliko korisnik stana ne organizira popravku i ne plati pripadajuće troškove, vlasnik zgrade će uz pomoć upravitelja procijeniti troškove te popraviti nastalu štetu. Troškovi popravke će se od korisnika stana naplatiti kroz zakupninu bilo u vidu povećanja sljedeće zakupnine za puni iznos popravke bilo na način da će se troškovi podijeliti na više mjesečnih rata a sve u skladu sa dogovorom sa korisnikom stana.

### **Investiciono održavanje zajedničkih dijelova i uređaja zgrade**

- 1) Investiciono održavanje podrazumijeva veće popravke ili zamjenu zajedničkih dijelova/uređaja zgrade koji su od uticaja za korištenje stanova i zajedničkih dijelova zgrade. Finansiranje investicionih zahvata vrši se iz dijela prikupljene najamnine za korištenje stana.
- 2) Investiciono održavanje zajedničkih dijelova obuhvata velike popravke:
  - a) Krovne konstrukcije i drugih konstruktivnih elemenata zgrade,
  - b) Krovnog pokrivača i drugih elemenata krova (dimnjaci, ventilacioni kanali, krovni otvori, krovni svjetlarnici, limene opšivke i uvale, slivnici, odvodi i drugi elementi krova, zajedničke lođe i terase i drugi dijelovi krova),
  - c) Lifta sa pripadajućim dijelovima (kućica, liftovsko okno sa instalacijama i uređajima), kao i ispitivanje ispravnosti sa izdavanjem upotrebne dozvole u skladu sa važećim propisima o liftovima,
  - d) Oluka, olučnih cijevi i drugih elemenata za odvod vode sa krova i zaštitu zgrade od prodora vode,
  - e) Horizontalne i vertikalne hidroizolacije,
  - f) Vodovodne i kanalizacione mreže od priključka na gradsku vodovodnu i kanalizacionu mrežu, sengrupa ili drugog izlivnog mjesta do priključka na sanitarni uređaj (sifon sudopere, umivaonika i sličnih elemenata) u zgradi,
  - g) Ventilacionih cijevi kanalizacione mreže i njihovih glava na krovu zgrade,
  - h) Elektroinstalacije zgrade do strujomjernog ormara,
  - i) Instalacija centralnog grijanja, grijnih tijela u zgradi, dijelova toplotnih postrojenja i uređaja zgrade sa punjenjem, pražnjenjem i ozračivanjem toplovodne mreže, kao i popravka,
  - j) Dotrajalih metalnih, staklenih i drugih ograda na krovu, stepeništu, terasama, lođama i drugim zajedničkim dijelovima zgrade,
  - k) Dotrajalih podova, plafona i zidova u zajedničkim dijelovima zgrade,
  - l) Drvenih i metalnih dijelova na prozorima i vratima zajedničkih prostorija zgrade,
  - m) Oštećenih i dotrajalih fasada, fasadnih obloga i elemenata fasade i drugih spoljnih dijelova zgrade sa prioritetom zaštite fasade od prodora vode i vlage,
  - n) Instalacija i uređaja za uzbunjivanje u zgradi,
  - o) Gromobrana, interfona, kablovskih i PTT instalacija, antenskih uređaja i njihovih dijelova u zgradi,
  - p) Hidranata, hidrantskih crijeva i drugih hidrantskih dijelova u zgradi,
  - q) Instalacija i uređaja za centralno zagrijavanje vode za zajedničke prostorije koje pripadaju zgradi,
  - r) Protivpožarnog stepeništa zgrade i instalacija i uređaja za zaštitu od požara i
  - s) Sanitarnih uređaja u zajedničkim dijelovima zgrade.



## **V Hitni i nužni popravci**

### **Hitni popravci**

- 1) Hitnim popravcima smatra se preduzimanje radova u stanu i zajedničkim dijelovima i uređajima zgrade, naročito u slučaju:
  - a) kvarova na sistemu centralnog grijanja,
  - b) puknuća, oštećenja i začepljenja vodovodne i kanalizacione instalacije, radi sprečavanja daljnjih štetnih posljedica,
  - c) kvarova na električnoj instalaciji,
  - d) znatnijih oštećenja dimnjaka, dimovodnih i ventilacionih kanala,
  - e) prodiranja oborinskih voda u zgrade, saniranja posljedica istog prodora, te znatnijeg oštećenja krova,
  - f) narušene statičke stabilnosti zgrade ili pojedinih dijelova zgrade,
  - g) kvarova na liftu,
  - h) otpadanja dijelova fasade,
  - i) saniranja posljedica požara,
  - j) saniranja posljedica elementarne nepogode.
- 2) Popravke posljedica elementarne nepogode obavljaju se u cilju sanacije posljedica prirodne nepogode na zajedničkim dijelovima zgrade i stanovima a usklađuje se sa planom sanacije posljedica prirodne nepogode koji izrađuje nadležni organ vlasti.
- 3) Korisnik stana je ovlašten i dužan, bez odgađanja, prijaviti štetu za koju je saznao da je nastala na zajedničkim dijelovima zgrade, i štetu u stambenim jedinicama, ako od njih prijete opasnost ostalim dijelovima zgrade. Korisnik stana je dužan, bez odlaganja, omogućiti izvođenje ovih radova u dijelu koji se odnosi na njegov stambeni prostor ili kad se ti radovi moraju izvesti iz tog prostora.

### **Nužni popravci**

Nužnim popravcima smatra se preduzimanje radova naročito radi:

- a. sanacije krovne konstrukcije, nosivih zidova, stubova, međuspratnih konstrukcija, temelja,
- b. sanacije dimnjaka, dimovodnih i ventilacionih kanala,
- c. sanacije ravnih i kosih krovova,
- d. zamjene instalacija na zajedničkim dijelovima i uređajima zgrade (vodovodne, kanalizacione, električne, mašinske, centralnog grijanja i sl.),
- e. popravka fasade zgrade,
- f. izolacije zidova, podova i temelja zgrade,
- g. svi drugi radovi koji su neophodni da se stan, odnosno zgrada sačuva od većeg oštećenja ili da se zaštiti život i imovina građana.

**VI TABELARNI PRIKAZ GODIŠNJEG PLANA UPRAVLJANJA I ODRŽAVANJA  
ZGRADA ZA 2024. GODINU**

<b>UPRAVITELJ ZGRADE</b>	Adresa: UI Žrtava Žrtava Genocida u Srebrenici, 75411 Sapna Bosna i Hercegovina Tel: 035-599-530 Fax: 035-599-555			ID: 4210147020006  PDV: 210147020006
<b>VLASNIK:</b>	<b>GRAD/OPĆINA</b>	<b>ADRESA</b>	<b>Zemljišnoknjižni podaci</b>	<b>Katastarski podaci</b>
<b>OPĆINA</b>	<b>SAPNA</b>	<b>UI 206 Viteške brigade bb</b>		<b>K.Č.3046/1</b>

**GODIŠNJI PLAN UPRAVLJANJA I ODRŽAVANJA ZGRADE CEB II ZA 2024. GODINU**

ŠIFRA ZGRADE	GODINA IZGRADNJE	SPRATNOST	STANOVI	OSTAVE	GARAŽNA MJESTA	POSLOVNI PROSTOR
	2020	PR+3	18	18	0	1
POVRŠINA			1x69,10 m <sup>2</sup> 2x55,17 m <sup>2</sup> 2x49,87 m <sup>2</sup> 8x42,14 m <sup>2</sup> 1x32,23 m <sup>2</sup> 2x31,66 m <sup>2</sup> 2x30,23 m <sup>2</sup>	1x5,87 m <sup>2</sup> 5x5,76 m <sup>2</sup> 3x5,64 m <sup>2</sup> 2x5,13 m <sup>2</sup> 1x4,96 m <sup>2</sup> 3x4,80 m <sup>2</sup> 3x4,56 m <sup>2</sup>		1x135,02 m <sup>2</sup>  1x13,52 m <sup>2</sup>  1x6,71 m <sup>2</sup>  1x6,06 m <sup>2</sup>
<b>UKUPNO</b>			<b>772,31 m<sup>2</sup></b>	<b>94,89 m<sup>2</sup></b>		<b>161,31 m<sup>2</sup></b>

R/br	PLANIRANI RADOVI	Jedinična cijena u KM sa PDV-om	Planirana okvirna količina	Iznos u KM sa PDV-om	NAPOMENA	R O K
<b>I</b>	<b>REDOVNO/TEKUĆE ODRŽAVANJE</b>					
1.	Održavanje čistoće zgrade	270,00 KM /mjesečno	12	3.240,00	Čišćenje se vrši jednom nedeljno, tokom cijele godine	
2.	Molersko farbarski radovi na zajedničkim djelovima zgrade	5,00 KM/m <sup>2</sup>	12	60,00	Radovi u stubištima	IX
3.	Popravka i djelimična zamjena krova	40,00 KM/m <sup>2</sup>	4	160,00	Zamjena oštećenog lima	
4.	Keramički i drugi radovi	45 KM/m <sup>2</sup>	2	90,00		



5.	Popravka stolarije	Paušalno u zavisnosti od težine kvara, ili 40,00 KM/kom	3	120,00	Ulazna vrata	IX
6.	Popravka elektroinstalacije	Paušalno u zavisnosti od težine kvara, ili 70,00 KM/po izvodu	2	140,00	Vanjska instalacija	II
7.	Zamjena i popravka brava	25,00 KM/kom	4	100,00		
8.	Redovno mjesečno održavanje lifta	105,00	12	1.260,00		
9.	Popravka lifta	Paušalno u zavisnosti od težine kvara i vrste dijelova za zamjenu		0,00		
10.	Godišnj tehnički pregled liftova/upotrebna dozvola	280,00	1	280,00		
11.	Popravka i redovan servis protivpožarne instalacije i aparata (7 PP aparata i 4 hidranta, dva puta u toku godine)	28,00 KM/po PP aparatu/hidrantu	22	616,00	Servis	V
12.	Popravka instalacija vodovoda i kanalizacije	U zavisnosti od vrste i težine kvara, 100,00 KM/po intervenciji	3	300,00		III
13.	Popravka i redovan servis ostalih djelova i uređaja u zgradi	Paušalno u zavisnosti od vrste i težine kvara i dijelova za zamjenu, a 200 KM za tromjesečni pregled i manji servis svih uređaja	1	200,00	Po potrebi	
14.	Popravka, održavanje i čišćenje dimnjaka	100 KM/po intervenciji	2	200,00		IX
15.	Popravka instalacija i postrojenja za klimatizaciju	0,00		0,00	Nema klima uređaja	
16.	Popravka i čišćenje kanala za smeće	0,00		0,00	Nema kanala za smeće	
17.	Popravka i čišćenje rešetki, slivnika, odvoda, oluka i pripadajućih instalacija	75,00 KM/po intervenciji	2	150,00	Popravka oštećenja	
18.	Održavanje površine oko zgrade koja nije javna	50,00 KM/mjesečno	12	600,00		III
19.	Deratizacija, dezinfekcija i dezinsekcija	200,00 KM/ za šestomjesečni pregled	2	400,00	Deratizacija	IV
20.	Opravka, zamjena ili ugradnja poštanskih sandučića	25,00 KM/po komadu	3	75,00	Bravice na sandučićima	II

21.	Nabavka sitnog potrošnog materijala i alata za čišćenje i održavanje	30,00 KM/mjesečno	12	360,00		III
22.	Osiguranje od opasnosti od požara i nekih drugih opasnosti; od izliva vode iz vodovodnih i kanalizacionih cijevi; osiguranje od opće odgovornosti za štete prčinjene trećim osobama	300,00 KM/godišnje	1	300,00		XI I
<b>UKUPNO:</b>				<b>8.651,00</b>		

UPRAVITELJ ZGRADE	Adresa: UI Žrtava Žrtava Genocida u Srebrenici, 75411 Sapna Bosna i Hercegovina			ID: 4210147020006  PDV: 210147020006
	Tel: 035-599-530 Fax: 035-599-555			
VLASNIK:	GRAD/OPĆINA	ADRESA	Zemljišnoknjižni podaci	Katastarski podaci
OPĆINA	SAPNA	UI 206 Viteške brigade bb		K.Č.3046/8, 3048/9 i 3791/25

**GODIŠNJI PLAN UPRAVLJANJA I ODRŽAVANJA VIŠESTAMBENOG OBJEKTA ZA 2024. GODINU**

ŠIFRA ZGRADE	GODINA IZGRADNJE	SPRATNOST	STANOVI	OSTAVE	GARAŽNA MJESTA	POSLOVNI PROSTOR
	2021	PR+3	9	9	0	0
POVRŠINA			1x46,76 m <sup>2</sup> 2x41,91 m <sup>2</sup> 2x43,43 m <sup>2</sup> 2x47,23 m <sup>2</sup> 1x53,83 m <sup>2</sup> 1x31,51 m <sup>2</sup>	1x9,40 m <sup>2</sup> 1x10,70 m <sup>2</sup> 1x9,60 m <sup>2</sup> 1x8,39 m <sup>2</sup> 1x6,53 m <sup>2</sup> 1x9,00 m <sup>2</sup> 1x12,30 m <sup>2</sup> 2x10,50 m <sup>2</sup>		
UKUPNO			397,24 m <sup>2</sup>	86,92 m <sup>2</sup>		

R/br	PLANIRANI RADOVI	Jedinična cijena u KM sa PDV-om	Planirana okvirna količina u toku godine	Iznos u KM sa PDV-om	NAPOMENA	R O K
I	<b>REDOVNO/TEKUĆE ODRŽAVANJE</b>					
1.	Održavanje čistoće zgrade	210,00 KM /mesečno	12	2.520,00	Čišćenje se vrši jednom nedeljno, tokom cijele godine	
2.	Molersko farbarski radovi na zajedničkim djelovima zgrade	5,00 KM/m <sup>2</sup>	10	50,00	Radovi u stubištima	IX
3.	Popravka i djelimična zamjena krova	40,00 KM/m <sup>2</sup>	2	80,00	Zamjena oštećenog lima	
4.	Keramički i drugi radovi	45 KM/m <sup>2</sup>	1	45,00		
5.	Popravka stolarije	Paušalno u zavisnosti od težine kvara, ili 40,00 KM/kom	2	80,00	Ulazna vrata	IX



6	Popravka elektroinstalacije	Paušalno u zavisnosti od težine kvara, ili 70,00 KM/po izvodu	2	140,00	Vanjska instalacija	II
7.	Zamjena i popravka brava	25,00 KM/kom	4	100,00		
8.	Popravka i redovan servis protivpožarne instalacije i aparata (4 PP aparata i 4 hidranta, dva puta u toku godine)	28,00 KM/po aparatu	16	448,00	Servis	V
9.	Popravka instalacija vodovoda i kanalizacije	100 KM/po intervenciji	3	300,00		III
10.	Popravka i redovan servis ostalih djelova i uređaja u zgradi	Paušalno u zavisnosti od vrste i težine kvara i dijelova za zamjenu, a 200 KM za tromjesečni pregled i manji servis svih uređaja	1	200,00	Po potrebi	
11.	Popravka, održavanje i čišćenje dimnjaka	100 KM/po intervenciji	1	100,00		IX
12.	Popravka instalacija i postrojenja za klimatizaciju	0,00		0,00	Nema klima uređaja	
13.	Popravka i čišćenje kanala za smeće	0,00		0,00	Nema kanala za smeće	
14.	Popravka i čišćenje rešetki, slivnika, odvoda, oluka i pripadajućih instalacija	75,00 KM/po intervenciji	2	150,00	Popravka oštećenja	
15.	Održavanje površine oko zgrade koja nije javna	40,00 KM/mjesečno	12	480,00		III
16.	Deratizacija, dezinfekcija i dezinsekcija	150,00 KM/ za šestomjesečni pregled	2	300,00	Deratizacija	IV
17.	Opravka, zamjena ili ugradnja poštanskih sandučića	25,00 KM/po komadu	3	75,00	Bravice na sandučićima	II
18.	Nabavka sitnog potrošnog materijala i alata za čišćenje i održavanje	30,00 KM/mjesečno	12	360,00		III
19.	Osiguranje od opasnosti od požara i nekih drugih opasnosti; od izliva vode iz vodovodnih i kanalizacionih cijevi; osiguranje od opće odgovornosti za štete prčinjene trećim osobama	280,00 KM/godišnje	1	280,00		XI I
<b>UKUPNO:</b>				<b>5.708,00</b>		



### Rekapitulacija

R.br.	Opis	Iznos u KM sa uključenim PDV-om
1.	Planirani godišnji troškovi upravljanja i održavanja zgrade CEB II	8.651,00
2.	Planirani godišnji troškovi upravljanja i održavanja višestambene zgrade u Sapni	5.708,00
	UKUPNO (1 + 2):	<b>14.359,00</b>

Godišnji plan upravljanja i održavanja zgrada sprovodit će JKP „SAPNA“ d.o.o. Sapna, kome je vlasnik zgrade povjerio objekte na upravljanje i održavanje Odlukom Općinskog vijeća Sapna („Sl. glasnik Općine Sapna“, br. 01/22), te isti dostaviti vlasniku koji daje svoje sugestije prije konačne potvrde njegovog sadržaja. Predloženi model primjenjiv je i kada vlasnik objekta samostalno organizira upravljanje i održavanje.

Nadležna služba za finansije Općine Sapna će voditi evidenciju o prihodima, rashodima i utrošku sredstava na ime održavanja stambenih jedinica, zajedničkih dijelova i uređaja zgrade, te o ispunjavanju obaveza utvrđenih ovim Programom i ugovorom.

**ZA UPRAVITELJA ZGRADE**  
Direktor

Samir Smajlović

Broj: 01-04-60/24  
Datum: 30.01.2024. godine

**ZA VLASNIKA ZGRADE**  
Općinski načelnik

Zudin Mahmutović

Broj: 01-19-194/24  
Datum: 05.02.2024. godine

Bosna i Hercegovina  
Federacija Bosne i Hercegovine  
Tuzlanski kanton  
OPĆINA SAPNA  
Općinski Načelnik  
Broj: 01-10-283/24  
Datum, 09.02.2024. godine

Na osnovu člana 70. stav 2. Zakona o matičnim knjigama Federacije Bosne i Hercegovine („Službene novine F BiH“ broj 37/12 i 80/14), tačke 178. stav 2. Uputstva o načinu vođenja matičnih knjiga Federacije Bosne i Hercegovine („Službene novine F BiH“ broj 51/13, 55/13 82/13 i 6/15), i člana 41. Statuta općine Sapna („Službeni glasnik općine Sapna“, broj 6/07, 8/09 i 3/12), Općinski načelnik na prijedlog Službe za opću upravu, društvene djelatnosti i boračka pitanja, d o n o s i

**O D L U K U**  
o obnavljanju (ukoričavanju) matičnih knjiga općine Sapna

Član 1.

Odobrava se obnavljanje, uvezivanje i ukoričavanje 26 matičnih knjiga općine Sapna koje su oštećene zbog dugogodišnje upotrebe pri svakodnevnom radu sa njima, tako da se ne mogu pravilno koristiti, a kako nebi došlo do potpunog oštećenja istih.

Član 2.

Podaci o oštećenim matičnim knjigama koje treba obnoviti, uvezati i ukoričiti, po matičnim područjima i kalendarskim godinama, sadržani su u donjoj tabeli.

R.br	MATIČNA KNJIGA	GODINA UPISA
1.	Matična knjiga rođenih MP Sapna	1983-1997
2.	Matičnja knjiga rođenih MP Sapna	1977-1979
3.	Matična knjiga rođenih MP Sapna	1979-1983
4.	Matična knjiga vjenčanih MP Sapna	2010-2013
5.	Matična knjiga vjenčanih MP Sapna	2001-2005
6.	Matična knjiga vjenčanih MP Sapna	1999-2001
7.	Matična knjiga vjenčanih MP Sapna	2005-2009
8.	Matična knjiga vjenčanih MP Sapna	1992-1996
9.	Matična knjiga vjenčanih MP Sapna	1985-1988
10.	Matična knjiga vjenčanih MP Sapna	1997-1998
11.	Matična knjiga vjenčanih MP Sapna	1996-1997
12.	Matična knjiga vjenčanih MP Sapna	1977-1979
13.	Matična knjiga vjenčanih MP Sapna	1980-1982

14.	Matična knjiga vjenčanih MP Sapna	1982-1985
15.	Matična knjiga vjenčanih MP Sapna	1946-1954
16.	Matična knjiga vjenčanih MP Sapna	1954-1956
17.	Matična knjiga rođenih MP Vitinica	1976-1998
18.	Matična knjiga vjenčanih MP Goduš	1957-1976
19.	Matična knjiga vjenčanih MP Rastošnica	2003-2013
20.	Matična knjiga rođenih MP Rastošnica (posebna)	1947-1950
21.	Matična knjiga rođenih MP Rastošnica (rekonstrukcija)	1953-1953
22.	Matična knjiga rođenih MP Priboj (prepis)	1948-1960
23.	Matična knjiga rođenih MP Rastošnica	2002-2013
24.	Matična knjiga državljana MP Rastošnica	1952-1956
25.	Matična knjiga državljana MP Sapna	1948-1948
26.	Matična knjiga državljana MP Sapna	1980-1998

#### Član 3.

Rok za obnavljanje, uvezivanje i ukoričavanje naprijed oštećenih matičnih knjiga je 70 dana od dana potpisivanja ugovora sa Izvršiocem usluga, koji će biti izabran nakon provedenog postupka javne nabavke.

#### Član 4.

Za obnavljanje odnosno ukoričavanje predmetnih matičnih knjiga zadužuje se Služba za opću upravu, društvene djelatnosti i boračka pitanja, koja je obavezna u datom roku provesti sve potrebne aktivnosti, u skladu sa odredbama Zakona o matičnim knjigama i Uputstva o načinu vođenja matičnih knjiga Federacije Bosne i Hercegovine.

#### Član 5.

Ova odluka stupa na snagu danom donošenja i ista će se objaviti u „Službenom glasniku općine Sapna“.

OPĆINSKI NAČELNIK

Zudin Mahmutović s.r.

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI  
OPĆINA SAPNA  
Općinski načelnik

Broj: 01-04-389/24  
Datum: 21.02.2024. godine

Na osnovu člana 62. i 70. Zakona o organizaciji organa uprave u Federaciji BiH ("Službene novine FBiH" broj 35/05), člana 10. stav 4. Uredbe o trogodišnjem i godišnjem planiranju rada, monitoringu i izvještavanju u Federaciji BiH („Službene novine Federacije Bosne i Hercegovine“ broj: 74/19 i 2/21) i člana 41. Statuta Općine Sapna ( „Službeni glasnik Općine Sapna“ broj: 6/07, 8/09 i 3/12) Općinski načelnik donosi

**ODLUKU**  
o usvajanju Smjernica za trogodišnje planiranje rada Općine Sapna  
za period 2025. – 2027. godina

**Član 1.**

Usvajaju se Smjernica za trogodišnje planiranje rada Općine Sapna za period 2025. – 2027. godina.

**Član 2.**

Smjernice iz člana 1. Ove odluke sastavni su dio odluke i biće objavljene na web stranici Općine Sapna.

**Član 3.**

Ova Odluka stupa na snagu danom donošenja i biće objavljena u „Službenom glasniku Općine Sapna“.

DOSTAVLJENO:

- Službeni glasnik Općine Sapna
- Evidencija
- A/a

Općinski načelnik

Zudin Mahmutović s.r.



BOSNA I HERCEGOVINA  
FEDERACIJA BiH  
TUZLANSKI KANTON  
OPĆINA SAPNA  
OPĆINSKI NAČELNIK



BOSNIA AND HERZEGOVINA  
FEDERATION OF B&H  
TUZLA CANTON  
SAPNA MUNICIPALITY  
MAYOR OF THE MUNICIPALITY

**SMJERNICE**  
ZA TROGODIŠNJE PLANIRANJE RADA  
OPĆINE SAPNA  
ZA PERIOD 2025. - 2027. GODINA

SAPNA, FEBRUAR 2024. GODINA

## 1. Uvod

Izrada Smjernica za trogodišnje planiranje rada Općine Sapna za period 2025-2027. godina (u daljem tekstu: Smjernice) proizilazi kao obaveza iz člana 10. Uredbe o trogodišnjem i godišnjem planiranju rada, monitoringu i izvještavanju u Federaciji BiH („Službene novine Federacije BiH“ br. 74/19 i 2/21) (u daljem tekstu: Uredba).

Smjernice predstavljaju osnovu za izradu trogodišnjeg plana rada, kako bi se na adekvatan način obuhvatili razvojni prioriteti koji su definisani Strategijom razvoja Općine Sapna za period 2021-2027. godina.

Smjernice imaju za cilj da naznače najvažnije aktivnosti koje je neophodno poduzeti u narednom planskom ciklusu, a koje se odnose na sve oblasti društveno-ekonomskog života na području Općine Sapna. Uredbom su propisani minimalni elementi Smjernica, a iste se izrađuju svake godine za period od tri godine i pripremaju se u skladu sa strateškim dokumentima relevantnim za Općinu Sapna.

Pored toga što predstavljaju usmjerenje za budući rad organa uprave, Smjernice služe i ostalim zainteresovanim stranama koje učestvuju u planiranju i realizaciji projekata i aktivnosti koji su od značaja za građane općine Sapna u narednom trogodišnjem periodu.

### **Kratak opis razvojnog konteksta Općine Sapna, uključujući izazove i rizike**

Općina Sapna u administrativnom pogledu čini jednu od trinaest općina Tuzlanskog kantona u sjeveroistočnom dijelu Bosne i Hercegovine. Općina Sapna obuhvata istočne obronke planine Majevice i gornji tok rijeke Sapne, koja čini lijevu pritoku Drine. Prostire se na površini od 118 km<sup>2</sup> i prema najnovijim statističkim podacima broji oko 11.178 stanovnika. Općina Sapna graniči sa općinama Kalesija i Teočak u Federaciji BiH te opštinama Zvornik i Lopare u RS. Geografski položaj, konfiguracija i kvalitet tla, klima, vodni resursi, historijsko naslijeđe, predstavljaju vrijednu perspektivu za razvoj lokalne zajednice.

U morfografskom smislu, teritorija općine Sapna predstavlja brežuljkasto - brdovito područje u visinskom intervalu od 147-916 m/n.v., dok dolinski pojas obuhvata tok rijeke Sapne.

Po nivou razvijenosti općina Sapna spada u red izrezito nerazvijenih općina u Federaciji BiH i nalazi se na 77 mjestu rang liste općina Federacije BiH.

Veliki procenat zemljišta općine Sapna je pod šumama. Gazdovanje državnim šumama na području općine Sapna vrši JP „Šume TK“ d.d. Kladanj, Šumsko gazdinstvo „Vlaseničko“, Šumarija „Jelica“ Sapna, ŠG „Majevičko“ i ŠG „Sprečko“.

Područje općine Sapna veoma je bogato i vodama. Prostor općine mogao bi se podijeliti na dva hidrografska sistema i to:

- hidrografski sistem, kojeg čini rijeka Sapna i
- hidrografski sistem Snježničkog jezera.

Podaci popisa stanovništva općine Sapna, ukazuju na značajan pad broja stanovnika Općine u posljednjih 10 tak godina kako zbog migracija tako i zbog smanjenog prirodnog priraštaja.

**Privreda općine Sapna** najvećim dijelom je oslonjena na javna pravna lica uključujući i javna preduzeća i ustanove kojima je osnivač općina.

Osnovu privrede općine Sapna, u privatnoj svojini, čini građevinarstvo i poljoprivreda zatim trgovina i ugostiteljstvo. Sama struktura privrede ukazuje na činjenicu da ne postoje značajniji prerađivački kapaciteti koji se oslanjaju na prirodne resurse i potencijale u općini Sapna, a koji bi mogli povezivati poljoprivredu, resurs sirovog drveta, i sl.

U razvoju Općine, **poljoprivreda** ima veoma važnu ulogu. Raznovrsnost primarne poljoprivredne proizvodnje ogleda se u biljnoj proizvodnji ( ratarstvo, povrtlarstvo, voćarstvo, proizvodnja krmnog bilja), pčelarstvu, te stočarstvu kroz uzgoj sitne i krupne stoke.

Na području općine Sapna registrirano je 598 poljoprivrednih gazdinstva. Od ukupnog broja 579 gazdinstava registrirano je kao porodična poljoprivredna gazdinstva (PPG) kao i 17 poljoprivrednih djelatnosti - obrta (mješovita poljoprivredna proizvodnja) i dva privredna društva što čini 19 (PG-PS). Ova gazdinstva baveći se proizvodnjom biljnih i animalnih proizvoda na vlastitim gazdinstvima ostvaruju dohodak prodajom primarnih proizvoda putem otkupljivača odnosno programa podsticajnih mjera u poljoprivredi i ruralnom razvoju.

Na području općine Sapna **obrazovanje** se odvija u okviru jedne osnovne škole (OŠ „Sapna“)-sa nastavom organizovanom u 5 područnih škola i jedne srednje škole (MSŠ „Sapna“).

JU Dom zdravlja Sapna registrovana je za obavljanje **primarne zdravstvene zaštite**, koja je organizovana sa: 4 (četiri) tima porodične medicine, zdravstvenom zaštitom predškolske djece,



zdravstvenom zaštitom žena, hitnom medicinskom pomoći (HMP), higijensko epidemiološkom službom (HES), stomatološkom službom za djecu i odrasle, laboratorijom.

**JU Centar za socijalni rad Sapna** je javni servis Općine Sapna i kao takav svojom organizacijom rada i kontinuiranim poboljšanjem socijalnih usluga zadovoljava potrebe krajnjeg korisnika.

Općina Sapna sa aspekta **sigurnosti**, može se reći predstavlja relativno sigurnu lokalnu zajednicu.

Sapna ima relativno razvijenu mrežu putova koja je jednim dijelom modernizirana (asfaltirana). U osnovi saobraćajnu infrastrukturu karakteriše nerazvijenost - veoma nizak broj kilometara putova viših kategorija po km<sup>2</sup>, mala propusna moć i nepovoljna struktura, ali i loš kvalitet mreže na dijelu lokalne putne infrastrukture. **Cestovnu mrežu** najvećim dijelom čine lokalne ceste (66 km), dok regionalne ceste (22,8) čine regionalni pravci R 456 granica entiteta (Priboj) – Sapna - granica entiteta (Karakaj) i R 456a Sapna - Međeđa - Kalesija.

Na prostoru općine Sapna postoji još i kategorija putova koji spadaju u zemljane puteve, putove koji vode u poljoprivredna imanja, šumske putove, te prilazne putove čija dužina iznosi cca 690 km. Navedni putovi evidentirani su u nadležnoj Službi za katastar zemljišta u općini Sapna, što znači da se oni vode (u Katastru zemljišta) kao društvena svojina. Lokalni i nekategorisani putovi imaju veoma značajnu ulogu kao infrastrukturni objekti.

Pokrivenost općine **javnom rasvjetom** je oko 70 % naseljenih mjesta, naime skoro sve mjesne zajednice općine Sapna su u sistemu javne rasvjete, samo je nekoliko mjesnih zajednica i naseljenih dijelova u okviru mjesnih zajednica koje nije pokriveno javnom rasvjetom.

**Sistemom vodosnabdijevanja** upravlja JKP «Sapna» d.o.o. Sapna. Vodoprivredni objekti za snabdijevanje pitkom vodom na području općine su bunari, kaptaže sa odgovarajućom opremom, postrojenja za prečišćavanje vode za piće, rezervoari, cjevovodi i drugi pripadajući objekti. Na području Općine postoje izvorišta Ploče, Vrelo, Kalilo i Orlov potok kojima upravlja JKP «Sapna» i određen broj manjih izvorišta, kaptaža i vodovodnih sistema kojima upravljaju sami građani ili su povjereni na upravljanje mjesnim zajednicama.

**Kanalizacioni sistem** na području Općine Sapna je pod ingerencijama i upravljanjem JKP «Sapna». Odvođenje fekalija i otpadnih voda uglavnom je rješavano na različite načine i to najčešće odvođenjem fekalija i otpadnih voda izgrađenim sistemom kanalizacije, bez ugrađenih uređaja za prečišćavanje, u potoke i rijeke na teritoriji općine Sapna i izgradnjom individualnih odgovarajućih septika. Ovakav način rješavanja pitanja otpadnih voda predstavlja velik problem sa stanovišta očuvanja i zaštite sredine.

Obavljanje **komunalnih djelatnosti** - sakupljanje, odvoz i deponovanje otpada vrši Javno komunalno preduzeće Sapna d.o.o. Sapna. Ukupna pokrivenost svih mjesnih zajednica na području općine Sapna uslugom prikupljanja i odvozom komunalnog otpada je cca 90 %. Koncept upravljanja otpadom u općini Sapna, dobro funkcioniše. JKP „Sapna“ odlaganje otpada vrši na Regionalnu sanitarnu deponiju Crni vrh Zvornik koju je Općina Sapna osnovala sa još osam općina iz regije Zvornik (Zvornik, Kalesija, Osmaci, Vlasenica, Milići, Bratunac, Srebrenica, Šekovići).

Kada je u pitanju sistem telekomunikacija na području općine Sapna izgrađena je fiksna telekomunikaciona mreža putem koje djeluje jedan operater u fiksnoj telefoniji BH Telecom Sarajevo. Mobilna telefonija na području općine Sapna također je razvijena, jer su prisutni signali sva tri BH operatera: BH Mobile, HT Eronet i M-tel. Strategija razvoja fiksnih mreža BH Telecom-a na području općine Sapna je postepeni prelazak na optičku kablovsku infrastrukturu.

### **Rizici i izazovi**

Jedan od izazova sa kojima se suočava Općina Sapna je evidentno smanjenje broja djece i u osnovnom i u srednjem obrazovanju. Razlog smanjenja polaznika osnovnih škola, svakako treba tražiti u činjenici smanjenog ukupnog broja djece i nataliteta, ali i migracija u veće centre koji nudi veće mogućnosti barem kad je riječ o srednjoškolskom obrazovanju. Porodice su očigledno ekonomski demotivisane za rađanje većeg broja djece, pri čemu savremeni način života pomjera granice rađanja ka starijem dobu.

Također, trenutno u Sapni ne postoji ustanova za predškolski odgoj i obrazovanje, čije je osnivanje planirano u narednom periodu.

Rizik u segmentu ruralnog razvoja i bolje iskorištenosti poljoprivrednih resursa na području općine Sapna predstavlja nizak nivo planiranja ruralnog razvoja na višim nivoima vlasti, izostanak podrške viših nivoa vlasti razvoju ruralnih područja te nedostajući sistem otkupa proizvoda, a za koji je prethodno neophodno obezbijediti krajnji plasman.



## 2. Strateški pravci razvoja općine Sapna za naredni trogodišnji period

Strategija razvoja općine Sapna za period 2021-2027. godina je definisala i uskladila razvojne pravce i prioritete sa ključnim strateškim dokumentima na kantonalnom i federalnom nivou.

*Imajući u vidu SWOT analizu i strateške pravce vizija općine Sapna glasi:*

**Prostor na kojem se želi živjeti, u kojem su unapređeni uslovi za kvalitetno življenje i boravak svih stanovnika. Općina Sapna je poželjna destinacija za odrastanje djece, zabavu omladine i uzor brige o starijima i ima dobre uslove za rad. Mjesto izvrsnosti koje drugi prepoznaju i žele ga posjetiti i uzeti kao dobar primjer.**

Strateški pravci razvoja definiraju se na osnovu upoređivanja sadašnjeg stanja i kretanja u ključnim oblastima razvoja općine Sapna sa trendovima u širem okruženju, kao i strateškim usmjerenjima Tuzlanskog kantona, FBiH i BiH, što će biti mjerljivo eliminacijom postojećih slabosti i prijetnji usmjerenih iskorištenju snaga i raspoloživih prilika datih u SWOT analizi baziranoj na socio-ekonomskoj analizi. Strateško fokusiranje usmjereno je kako u pravcima razvoja privrede i poljoprivrede tako i u pravcu razvoja infrastrukture i iskorištenju turističkih potencijala.

Stoga su predloženi i sljedeći strateški pravci:

- Smanjiti štetne uticaje na životnu sredinu kao i rizike od prirodnih nesreća sistemskim upravljanjem otpadom, vodama i zemljištem uz modernizirani infrastrukturni razvoj i energetske efikasnost;
- Poboljšati uslove kvaliteta života, rada i odmora građana kvalitetnim društvenim uslugama i kulturno-sportskim sadržajima s ciljem razvoja općine Sapna kao mjesta ugodnog življenja;
- Iskoristiti prirodne i zemljišne potencijale za razvijanje privrednih i poduzetničkih aktivnosti te razvijati turističku ponudu iskorištavanjem kulturno-historijskog naslijeđa, posebno u sektoru uslužnih djelatnosti i agroturizma.

Obrazloženje strateških pravaca općine Sapna

**Smanjiti štetne uticaje na životnu sredinu kao i rizike od prirodnih nesreća sistemskim upravljanjem otpadom, vodama i zemljištem uz modernizirani infrastrukturni razvoj i energetske efikasnost;**

U narednom strateškom periodu neophodno je raditi na unapređenju jačanja kapaciteta Službe civilne zaštite i Vatrogasnog društva da ublaži i pravovremeno odgovori na posljedice prirodnih nepogoda, poplava i klizišta, kao i visok stepen mogućnosti izbijanja požara. Potrebno je provoditi mjere zaštite od poplava uz i u riječnim koritima te implementirati mjere sanacije klizišta što bi trebalo biti i vodeća aktivnost Općine u ovom segmentu.

Općina Sapna uvela je sistemsko prikupljanje otpada na cijelom području općine Sapna te putem Javnog komunalnog preduzeća Sapna isto depunuje (odlaže) na Regionalnu deponiju Crni vrh čiji je i suosnivač. Kapaciteti deponije trenutno su zadovoljavajući i nisu ograničeni. U cilju samanjenja količine otpada potrebno je uspostaviti sistem selekcije i sortiranja otpada.

Odvodnja otpadnih voda u većini naselja riješena je izgradnjom manjih kanalizacionih kolektora, ali i dalje ostaje potreba za dovršetkom glavnog kanalizacionog kolektora u centralnom dijelu općine Sapna i izgradnjom prečišćivača otpadnih voda na istom, kao i izgradnje manjeg prečišćivača na kanalizacionim kolektorima naselja Vitinica i Kovačevići te da se postojeće komunalno preduzeće adekvatno opremi za ove namjene. Posebnu pažnju treba posvetiti zaštiti izvorišta i vodozahvata pitke vode u skladu sa zakonskim regulativama.

Primjena mjera energetske efikasnosti i korištenje obnovljivih izvora energije omogućilo bi racionalno korištenje energije i smanjenje zagađenja zraka i na ovom polju se već intenzivno radi, naročito u oblasti javne rasvjete. Primjenom novih tehnologija i mjera energetske efikasnosti uz energetske tranziciju dovelo bi se do racionalnijeg korištenja energije, smanjenja troškova nabavke energenata kao i do većeg stepena zaštite okoline.

Moderan infrastrukturni razvoj ogledao bi se modernizacijom kako vodovodne tako i putne infrastrukture i njenim unapređenjem.

**Poboljšati uslove kvaliteta života, rada i odmora građana kvalitetnim društvenim uslugama i kulturno-sportskim sadržajima, s ciljem razvoja općine Sapna kao mjesta ugodnog življenja;**

U narednom periodu potrebno je iskoristiti aktivne omladinske, sportske i kulturnoumjetničke organizacije te uz njihov aktivizam i volonterizam u saradnji sa lokalnom zajednicom i lokalnim poduzetnicima poboljšati kvalitet kulturnih, rekreativnih i sportskih sadržaja. Uz potporu budžetskim



sredstavima planirati podršku mladim bračnim parovima i porodicama sa djecom te nastaviti podsticaj majkama porodiljama.

Neophodno je za lokalnu zajednicu da zajedno sa kulturnim i sportskim organizacijama, obrazovnim institucijama, uz podršku udruženja mladih raditi na unapređenju inkluzivnog obrazovanja te kulturnog i sportskog razvoja, a u saradnji sa Centrom za socijalni rad pojačati kapacitete koji će se bavi pitanjima porodice i mladih. Izgraditi neophodnu infrastrukturu gdje bi se odvijao najveći dio kulturnih i sportskih manifestacija tipa poligona i kulturnih centara.

**Iskoristiti prirodne i zemljišne potencijale za razvijanje privrednih i poduzetničkih aktivnosti te razvijati turističku ponudu iskorištavanjem kulturno-historijskog naslijeđa, posebno u sektoru uslužnih djelatnosti i agroturizma;**

Privredni razvoj općine Sapna treba se kretati u pravcu iskorištavanja prirodnih resursa, privlačenja interesa potencijalnih investitora za ulaganje i pokretanje novih biznisa u općini Sapna te u pravcu uspješnog poslovanja. Potrebno je uraditi analize te poduzeti inicijative za stvaranje novih radnih mjesta u ovoj oblasti. Posebno je važno unapređenje prostora već određenih lokacija pogodnih za izgradnju novih privrednih kapaciteta te privlačenje novih investicija, kao i unapređenje odnosa između javne uprave i privatnog sektora sa posebnim akcentom na privrednike lokalnog porijekla sa uspješnim biznisima van općine Sapna.

Privredni razvoj od posebnog je značaja za svaku lokalnu zajednicu, a u općini Sapna poluga razvoja može biti i komercijalizacija kulturno-historijskog naslijeđa, prirodnog bogatstva jezera i šumskih kompleksa za sportsko-rekreativne aktivnosti te podsticanje i promocija agrarnog sektora i unapređenje agroturizma i uslužnih djelatnosti.

Kulturno-historijsko i prirodno naslijeđe je resurs kojim raspolaže općina Sapna te je neophodan bolji način korištenja ovog bogatog naslijeđa i razvoj turizma ka prepoznatljivoj turističkoj destinaciji.

Na osnovu prethodno definiranih strateških pravaca definirani su glavni pravci razvoja i upravljanja istim u narednom periodu u vidu tri strateška cilja koji redom odgovaraju prethodno postavljenim strateškim fokusima.

4.3. Strateški ciljevi sa indikatorima

Strateški ciljevi su:

1. Promocija stanja i potreba
2. Upravljanje razvojem
3. Unapređenje društvenih potreba za kvalitet življenja

Očekivani uticaj strateških ciljeva na sveukupni razvoj općine Sapna u narednom periodu pratit će se i sagledavati putem sljedećih indikatora:

**Strateški cilj (SC) 1: Promocija stanja i potreba**

Ovaj strateški cilj odgovara identificiranim potrebama opisanim u trećem strateškom fokusu koji je usmjeren prema:

- privrednom razvoju i to u pravcu iskorištavanja prirodnih resursa, prostora i izgradnje privrednih zona za privlačenje investitora;
- unapređenju turističke ponude;
- zaštite i komercijalizacije kulturno-historijskog naslijeđa te
- unapređenju agrarnog sektora i agroturizma ka prepoznatljivoj turističkoj destinaciji.

Ostvarenje ovog strateškog cilja mjerit će se sljedećim indikatorima:

- U planiranom strateškom periodu (2021-2027. godina) broj zaposlenih je veći za najmanje 5,0 % u odnosu na stopu zaposlenosti u 2020. godini.
- U planiranom strateškom periodu (2021-2027. godina) broj specijaliziranih registriranih poljoprivrednih gazdinstava i obrta je veći za najmanje 50 % u odnosu na broj registriranih u 2020. godini.

- U planiranom strateškom periodu (2021-2027. godina) broj organiziranih turističkih posjeta veći je za najmanje 50 % u odnosu na broj posjeta u 2020. godini.

Za svaki indikator definirana je polazna i ciljna vrijednost.

**Strateški cilj (SC) 2: Upravljanje razvojem**

Ovaj strateški cilj odgovara identificiranim potrebama opisanim u prvom strateškom fokusu, koji je usmjeren razvoju i uređenju komunalne djelatnosti, upravljanju rizicima od prirodnih i drugih nesreća te izgradnji moderne i pristupačne infrastrukture koja odgovara razvoju same općine.



Izradom i usvajanjem prostorno-planske dokumentacije (Prostorni plan općine Sapna period 2013-2033. godina, dokumenata nižeg ranga - regulacionih planova) određeni su ciljevi razvoja i upotreba zemljišta u datom periodu.

Iako su učinjeni značajni naponi na unapređenju kvaliteta sistema vodosnabdijevanja, i dalje je potrebno kontinuirano raditi na ovom problemu koji će u narednom periodu, a zbog sve učestalijih sušnih godina i neravnomjerno raspoređenih kišnih i odsustva sniježnih padavina, dovesti do smanjenja akumulacije vodnih resursa u izvorištima. Rješavanje pitanja vodosnabdijevanja trebalo bi biti strateško pitanje odnosno straški projekat kojeg je neophodno rješavati.

Sistem upravljanja otpadnim vodama i kanalizacijom treba rješavati nastavkom izgradnje primarnih kanalizacionih kolektora i postrojenja za prečišćavanje otpadnih voda, dok je za prikupljanje i zbrinjavanje čvrstog riješeno izgradnjom deponije Crni vrh.

Lokalna saobraćajna infrastruktura izgrađena u proteklih dvadesetak godina dotrajala je te ne zadovoljava uslove odvijanja saobraćaja i koju je neophodno renovirati i sanirati. Sistem zimskog održavanja je riješen te je održavanje lokalne infrastrukture na zadovoljavajućem nivou uz izdvajanje novčanih sredstava iz Budžeta Općine.

Javna rasvjeta djelomično je izgrađena, a ista prati trednove energetske efikasnosti i ista je idejnim rješenjima planirana da obuhvati 90 % naselja i putnih pravaca.

### **Strateški cilj (SC) 3: Unapređenje društvenih potreba za kvalitet življenja**

Treći strateški cilj odgovara identificiranim potrebama u drugom strateškom fokusu koji teži ka kvalitetnom pristupu zdravstvenoj zaštiti u općini Sapna, koji je u velikoj mjeri otežan zbog specijalističkih usluga koje se pružaju van općine Sapna u većim domovima zdravlja ili UKC Tuzla, a sve zbog nedovoljnih iznosa sredstava koja se izdvajaju za finansiranje ljekara pojedinih specijalističkih struka. Potrebno je pronaći rješenja kako bi se postojeći kadrovski i tehnički kapaciteti proširili te dobila adekvatna zdravstvena zaštita za stanovništvo na prostoru općine Sapna.

Predškolsko obrazovanje na području općine nije zastupljeno, kako zbog same razuđenosti općine, tako i zbog velike nezaposlenosti stanovništva, na čemu će se djelovati u periodu važenja ove strategije. U općini Sapna nastava se obavlja u jednoj centralnoj i pet područnih osnovnoj škola, a sistem osnovnog obrazovanja je u kantonlnoj nadležnosti. Za kvalitetniju izvedbu nastave potrebna su nova tehnička rješenja i ulaganja u nastavna pomagala. Srednjoškolsko obrazovanje obavlja se u jednoj mješovitoj srednjoj školi sa više usmjerenja i zanimanja. Kako u osnovnom tako i srednjem obrazovanju potrebna su ulaganja u školsku infrastrukturu i modernizaciju školskih prostorija.

Kao još uvijek mlada općina, mnoga sportska i kulturna društva postižu zapažene rezultate posljednjih godina, gdje se naročito ističe Bošnjačka zajednica kulture Preporod Sapna sa svojim vokalno-instrumentalnim sastavom. Već dugi niz godina poznata je i manifestacija Sapanjsko ljeto, gdje se u vremenu godišnjih odmora u ljetnom periodu organiziraju kulturna dešavanja, a kada velik broj stanovnika općine Sapna dolazi iz inostranstva i provodi godišnje odmore na ovim prostorima.

## **3. Prioriteti, mjere i strateški projekti**

Prioriteti predstavljaju ključna polja i smjerove djelovanja za ostvarenje vizije i strateških ciljeva i kao takvi imaju najveći uticaj na razvoj, odnosno ostvarenje strateških indikatora. Prioriteti svoju osnovanost pronalaze iz utvrđenih rezultata strateške platforme i grupisani su prema strateškim ciljevima.

Pregled prioriteta po strateškim ciljevima:

Strateški cilj 1: Promocija stanja i potreba

- Prioritet 1.1. Unapređenje poslovnog okruženja

**Pripadajuće mjere za realizaciju prioriteta**

- Uspostavljanje poslovnih zona
- Uspostavljanje poslovnih veza sa građanima koji imaju razvijen biznis van općine Sapna
- Organizacija manifestacije Dan jabuke i pekmeza i stvaranje preduslova za ubrzaniji privredni razvoj prostora općine Sapna

- Prioritet 1.2. Sistemski i organizirana podrška profitabilnoj poljoprivrednoj proizvodnji

**Pripadajuće mjere za realizaciju prioriteta**

- Edukativno-savjetodavne usluge i unapređenje proizvodnje
- Podrška primarnoj poljoprivrednoj proizvodnji

- Prioritet 1.3. Razvoj turizma i revijalnog sporta na prostoru općine Sapna

**Pripadajuće mjere za realizaciju prioriteta**

- Uređenje kulturno-historijskih dobara
- Razvoj revijalnih turističko-sportskih manifestacija – Wia Majevisa
- Izgradnja turističkih objekata i uređenje lokaliteta za odmor u prirodi

Strateški cilj 2: Upravljanje razvojem

- Prioritet 2.1. Unapređena vodna infrastruktura

**Pripadajuće mjere za realizaciju prioriteta**

- Izgradnja kanalizacionih sistema
- Izgradnja sistema za prečišćavanje
- Dostatno vodosnabdijevanje
- Unapređenje sistema komunalne infrastrukture

- Prioritet 2.2. Putna infrastruktura

**Pripadajuće mjere za realizaciju prioriteta**

- Modernizacije putne infrastrukture

- Prioritet 2.3. Energetska efikasnost

**Pripadajuće mjere za realizaciju prioriteta**

- Energetski učinkovita javna rasvjeta
- Korištenje obnovljivih izvora energije i utopljanje javnih objekata

- Prioritet 2.4. Održivo upravljanje rizicima od prirodnih i drugih nesreća

**Pripadajuće mjere za realizaciju prioriteta**

- Jačanje kapaciteta za pružanje odgovora na prirodne i druge nesreće

Strateški cilj 3: Unapređenje društvenih potreba za kvalitet življenja

- Prioritet 3.1. Unapređenje sistema socijalne zaštite

**Pripadajuće mjere za realizaciju prioriteta**

- Osnježivanje sistema socijalne zaštite na prostoru općine Sapna

- Prioritet 3.2. Poticanje osamostaljivanja i razvoja NVO i udruženja građana

**Pripadajuće mjere za realizaciju prioriteta**

- Osnježivanje NVO i udruženja građana

- Prioritet 3.3. Razvoj kulturnih i sportskih aktivnosti na prostoru općine Sapna

**Pripadajuće mjere za realizaciju prioriteta**

- Stvaranje uslova za održivi razvoj kulturnog života na prostoru općine Sapna
- Stvaranje uslova za održivi razvoj sportskog života na prostoru općine Sapna

- Prioritet 3.4. Djelotvorna, otvorena i odgovorna javna uprava

**Pripadajuće mjere za realizaciju prioriteta**

- Stvaranje uslova za efikasno održavanje sjednica i sastanaka u općini Sapna
- Unapređenje poslovanja općinske administracije

- Prioritet 3.5. Unapređenje kvaliteta pružanja usluga zdravstvene zaštite

**Pripadajuće mjere za realizaciju prioriteta**

- Prostorno-tehnička opremljenost Doma zdravlja Sapna

- Prioritet 3.6. Poboljšanje uslova rada i kvalitetnijeg odvijanja nastavnog procesa u predškolskim i školskim odgojno-obrazovnim ustanovama

**Pripadajuće mjere za realizaciju prioriteta**

- Modernizacija enterijera i informatičko opremanje JU MSŠ Sapna
- Unapređenje obrazovanja na području općine Sapna
- Uspostavljanje institucije predškolskog odgoja na prostoru općine Sapna



Strategijom razvoja Općine Sapna definisan je veliki broj projekata koji su organizovani u 26 mjera i 13 prioriteta. Navedeno je inkorporirano u Akcioni plan za planski period 2025- 2027. godina.

Akcioni plan nalazi se u prilogu dokumenta Smjernica za trogodišnje planiranje rada Općine Sapna za period 2025 - 2027. godina.

**4. Indikativni finansijski okvir usklađen sa Strategijom razvoja Općine Sapna za period 2021-2027. godina**

Strateški ciljevi	2025	2026	2027	Ukupno 2025-2027
SC1	400.000,00	649.000,00	854.000,00	1.903.000,00
SC2	1.975.000,00	3.050.000,00	5.575.000,00	10.600.000,00
SC3	921.500,00	446.500,00	286.500,00	1.654.500,00
<b>UKUPNO</b>	<b>3.296.500,00</b>			

Indikativni finansijski okvir za planski period 2025-2027. godina predstavlja pregled potrebnih finansijskih sredstava za implementaciju mjera. Strategijom razvoja Općine Sapna predviđena su finansijska sredstava za implementaciju prvog strateškog cilja u iznosu od 1.903.000,00 KM, drugog strateškog cilja u iznosu od 10.600.000,00 KM za navedeni period i trećeg strateškog cilja u iznosu od 1.645.500,00 KM. Ukupna vrijednost planiranih strateških projekata za planski period 2025-2027. godina iznosi **14.157.500,00 KM**. Procenat planiranih sredstava koji se odnosi na budžetska sredstva je 16,73%, dok se preostalih 83,27% odnosi na ostale izvore finansiranja.

**5. Odgovarajući indikatori strateških ciljeva iz Strategije razvoja općine Sapna za period 2021.-2027. godina**

Strateški cilj 1.	Indikator (uticaja)	Polazna vrijednost (2020.)	Ciljna vrijednost (2027.)
Promocija stanja i potreba	Ukupan broj zaposlenih	616	1000
	Stepen nezaposlenosti	76,4	62
	Broj registriranih pravnih lica i obrta	154	210

Strateški cilj 2	Indikator (uticaja)	Polazna vrijednost (2020.)	Ciljna vrijednost (2027)
Upravljanje razvojem	Broj stanovnika obuhvaćenih komunalnim uslugama %	50	90
	Program upravljanja komunalnom infrastrukturom i komunalnim uslugama	1	5
	Broj završenih projekata energetske efikasnosti	2	25



Strateški cilj 3	Indikator (uticaja)	Polazna vrijednost (2020.)	Ciljna vrijednost (2027)
Unapređenje društvenih potreba za kvalitet življenja	Funkcionalnost i opremljenost kulturnih i sportskih objekata te javnih institucija	2	6
	Zadovoljstvo korisnika socijalnih usluga %	50	90
	Uslovi kvaliteta življenja izraženi kroz sveobuhvatnu sferu društvenog života	nepovoljan	zadovoljavajući

Napomena: Sve općinske službe su obavezne da prethodno definisane aktivnosti iz Akcionog plana uključe u svoje programe rada kako bi isti bili implementirani u narednom periodu i kako bi isti bili adekvatno podržani budžetom. Proces monitoringa implementacije navedenih aktivnosti i izvještavanja će se obavljati u skladu sa Zakonom o razvojnom planiranju i upravljanju razvojem u FBiH, kao i Uredbom o trogodišnjem i godišnjem planiranju rada, monitoringu i izvještavanju u Federaciji BiH (član 14., 15. i 16.).

Prilog: Akcioni plan za period 2025.-2027. godina.

Dostavljeno:

- 1 x Služba za privredu, budžet i finansije,
- 1 x Služba za prostorno uređenje i građenje, geodetske i imovinsko-pravne poslove,
- 1 x Služba za i opću upravu, društvene djelatnosti i boračka pitanja
- 1 x Služba civilne zaštite
- 1 x a/a

Općinski načelnik

Zudin Mahmutovic s.r.

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA SAPNA  
Općinski načelnik

Broj: 01-04-498/24  
Sapna, 07.03. 2024. godine

Na osnovu člana 41. Statuta općine Sapna („Službeni glasnik općine Sapna“ broj 6/07, 8/09 i 3/12) i člana 3. Odluke o uslovima, kriterijima i postupku imenovanja u Upravni odbor JZU „Dom zdravlja Sapna“ („Službeni glasnik općine Sapna“, broj 2/12) Općinski načelnik Općine Sapna donosi:

**O D L U K U**  
o raspisivanju javnog oglasa za izbor i imenovanje  
predsjednika Upravnog odbora JZU „Dom zdravlja Sapna“

I

Donosi se odluka o raspisivanju javnog oglasa za izbor i imenovanje predsjednika Upravnog odbora JZU „Dom zdravlja Sapna“

II

Javni oglas, iz prethodne tačke ove Odluke, objavit će se u „Službenim novinama Federacije Bosne i Hercegovine“ i u jednom dnevnom listu, u skraćenoj verziji, a Integralni tekst javnog oglasa bit će objavljen i može se preuzeti na zvaničnoj Internet stranici Općine Sapna [www.opcinasapna.ba](http://www.opcinasapna.ba) i oglasnoj ploči Općine Sapna.

III

Postupak po javnom oglasu provest će Komisija za izbor, koju će u skladu s članom 4. Odluke o uslovima, kriterijima i postupku imenovanja u Upravni odbor JZU „Dom zdravlja Sapna“ („Službeni glasnik općine Sapna“, broj 2/12), imenovati Općinski načelnik.

IV

Odluka stupa na snagu danom donošenja i biće objavljena u „Službenom glasniku općine Sapna“.

DOSTAVITI:

- za Službeni glasnik,
- A/a

OPĆINSKI NAČELNIK

Zudin Mahmutović s.r.

Bosna i Hercegovina  
Federacija Bosne i Hercegovine  
Tuzlanski kanton  
OPĆINA SAPNA  
Općinski načelnik

Broj: 01-40- 1271-1 /21  
Sapna, 31.1.2024. godine

Na osnovu člana 7.stav 2. alineja 3. Uredbe o jedinstvenoj metodologiji za procjenu šteta od prirodnih i drugih nesreća („Službene novine FBiH“, broj 75/04, 38/06, 52/09, 56/09 i 36/14 ) i člana 41. Statuta općine Sapna („Službeni glasnik općine Sapna“, broj 6/07, 8/09 i 3/12) na prijedlog Službe civilne zaštite Općine Sapna, Općinski načelnik, d o n o s i

### **RJEŠENJE**

o izmjeni Rješenja o imenovanju Komisije za procjenu šteta od prirodnih i drugih nesreća

#### **I**

U Rješenju o imenovanju Komisije za procjenu šteta od prirodnih i drugih nesreća („Službeni glasnik općine Sapna“, broj: 4/2014 i 4/2017“), u tački I stav 1. podtački 4. riječi: „Omerović Ismet, dipl. ing. mašinstva, član“ zamjenjuje se riječima: “ Poljaković Meksud, dipl. ing građevine, član“.

#### **II**

U ostalom dijelu Rješenje ostaje neizmjenjeno.

#### **III**

Ovo Rješenje stupa na snagu danom donošenja i objavit će se u „Službenom glasniku općine Sapna“.

Dostavljeno:

1. Imenovanim,
2. Službi civilne zaštite,
3. U „Službeni glasnik Općine Sapna“ i
4. a/a.

Općinski načelnik

Zudin Mahmutović s.r.



BOSNA I HERCEGOVINA  
Federacija Bosne i Hercegovine  
Tuzlanski kanton  
Općina Sapna  
Općinski načelnik

Broj: 01-30-440/24  
Sapna, 21.02.2024 godine

Općinski načelnik, na osnovu člana 70. Zakona o organizaciji organa uprave u Federaciji Bosne i Hercegovine („Službene novine F BiH“, broj: 35/05) i člana 36. Zakona o upravnom postupku („Službene novine F BiH“, broj: 2/98, 48/99 i 61/22), člana 9. Zakona o matičnim knjigama („Službene novine F BiH“, broj: 37/2012 i 80/2014), tačke 7. Uputstva o načinu vođenja matičnih knjiga Federacije BiH („Službene novine F BiH“, broj: 51/2013, 55/2013, 82/2013 i 6/2015), član 13. tačka 3. Pravilnika o unutrašnjoj organizaciji Općinskih službi za upravu Općine Sapna broj: 01-05-1604/17 od 14.12.2017. godine, Pravilnika o izmjeni i dopuni Pravilnika o unutrašnjoj organizaciji Općinskih službi za upravu Općine Sapna broj: 01-04-518/20 od 27.04.2020. godine i Pravilnika o izmjeni i dopuni Pravilnika o unutrašnjoj organizaciji Općinskih službi za upravu Općine Sapna broj: 01-04-272/22 od 15.02.2022. godine, donosi:

## R J E Š E N J E

I

Državni službenik Emina Alić, diplomirani pravnik, postavljena na radno mjesto stručni savjetnik za branilačko invalidsku zaštitu i opću upravu, ovlašćuje se za vođenje prvostepenih upravnih postupaka odnosno preduzimanje radnji u postupku do donošenja rješenja iz oblasti matičnih knjiga.

II

Stupanjem na snagu ovog rješenja ukida se rješenje Općinskog načelnika broj: 01-30-1278/21 od 18.10.2021. godine

III

Ovo rješenje stupa na snagu danom donošenja i biće objavljeno u „Službenom glasniku Općine Sapna“.

Dostavljeno:

1. Emina Alić
2. Avdo Muharemović
3. U personalni dosije imenovane
4. Službi za opću upravu, društvene djelatnosti i boračka pitanja
5. Za Službeni glasnik Općine Sapna
6. a/a.

OPĆINSKI NAČELNIK

Zudin Mahmutović s.r.

Bosna i Hercegovina  
Federacija Bosne i Hercegovine  
Tuzlanski kanton  
OPĆINA SAPNA  
Općinski načelnik

Broj: 01-19-411/24  
Datum, 23.02.2024. godine

Na osnovu člana 41. Statuta općine Sapna ("Službeni glasnik općine Sapna", broj 6/07, 8/09 i 3/12), Općinski načelnik općine Sapna, dana 23.02.2024.godine, donosi:

**R J E Š E N J E**  
**o imenovanju projekt menadžera**

**I**

Suljić Sejfudin, viši referent za urbanizam, prostorno uređenje, stambeno-komunalne poslove i povratak u Općinskoj službi za prostorno uređenje, geodetske, imovinsko-pravne poslove, poduzetništvo i finansije općine Sapna, imenuje se za projekt menadžera za realizaciju Projekta za stambeno zbrinjavanje Roma na području općine Sapna.

**II**

Ovo rješenje stupa na snagu danom donošenja i ima se objaviti u "Službenom glasniku općine Sapna".

Dostaviti:

1. Imenovanom-ovdje,
2. Ministarstvu za ljudska prava i izbjeglice BiH
3. Evidenciji,
4. Za "Službeni glasnik općine Sapna" i
5. a/a

Općinski načelnik

Zudin Mahmutović s.r.

Bosna i Hercegovina  
Federacija Bosne i Hercegovine  
Tuzlanski kanton  
Općina Sapna  
Općinski načelnik

Broj:01-04-454/24  
Sapna, 04.03. 2024. godine

Na osnovu člana 13.stav 3. Uredbe o naknadama troškova za službena putovanja („Službene novine Federacije BiH“, broj 44/16 i 31/23) i člana 41. Statuta općine Sapna („Službene novine Federacije BiH“, broj 6/07, 8/09 i 3/12), Općinski načelnik, donosi

## RJEŠENJE

### I

Državni službenik Ljubinka Bodiroga, dipl. pravnik, postavljen na radno mjesto sekretara Općinskog vijeće, ovlašćuje se za izdavanje i potpis putnih naloga za članove izborne komisije Sapna.

### II

Nalozi će se evidentirati kroz djelovodni protokol Općinske izborne komisije i naknade će se isplaćivati sa budžetske pozicije 0101002 Općinska izborna komisija.

### III

Ovo Rješenje stupa na snagu danom donošenja i biće objavljeno u Službenom glasniku općine Sapna.

Dostaviti:

1. Imenovanoj;
2. Općinskoj izornoj komisiji;
3. U Službeni glasnik,
4. a/a.

OPĆINSKI NAČELNIK

Zudin Mahmutović s.r.